

# ANG PAGKA-DIOS GIPASABUT



Salamat kanimo, Igsoong Carlson. Ug mga pagpangumosta alang kaninyong tanan nga mga kaigsoonang lalaki ug mga kaigsoonan nga mga babaye diha sa Ginoo. Kini usa ka . . . Usahay bation ko lang ang gamay'ng pagdili sa pagtindog, sa dihang ako nagapaminaw sa maong mga kahibulongang mga testimonyo, ug uban pa, maingon sa ginabuhat ko karong buntaga. Ug, kaniadto, ang usa ka isigkalungsuranon diha sa pag-antus ug paglutos, ingon sa nasinatian sa atong Igsoong lalaki nga Baptist ug sa igsoon natong babaye; maingon nga kanhi ako usa—usa ka Baptist, mismo, usa ka Missionary Baptist, ug—ug nga nahibalo kung unsay katuyoan niini sa dihang ang inyong mga kauban . . .

<sup>2</sup> Aduna koy susamang kasinatian. Ang kaugalingon kong mga kauban mitalikod kanako, ug ilang nahunahuna nga ila akong ipahawa tungod kay ako lagi nawad-an na sa hustong pangisip. Ug diha nakaplagan nako, ug sa kanunay ko nang giingon kini diha sa usa ka morag dyutay'ng dili laktod nga paagi, “Kon ako man nawad-an na sa hustong pangisip, pasagdi n'yo lang ako, kay mas malipayon pa ako niining paagiha kay sa diha ako sa hustong pangisip.” Busa mao kanay matang sa usa ka gamay'ng pilosopiya nga akong ginakuptan, sa akong kaugalingon. Ug—ug sa tinuod kaniadto ko pa ginakalipay kini—kining higayona ingon nga anaa niining paagi.

<sup>3</sup> Ug ang maong gamay'ng igsoon dinhi nga Church of Christ, ingon nga naandan na nato ang pagtawag niini, o Campbellite. Ug akong mahinumdoman sila nga labihan gyud ka mabatukon sa maong mga panagtigum sa dihang una pa kitang nagsugod. Apan, nahibalo kamo, aduna kitay usa nga ginganla'ng Pablo usa ka higayon kaniadto nga mao pud, ug siya nahimong usa kanato. Busa, tinuod kana. Sa akong pagtoo ang kasagaran gyud nga ilang ginalantaw mao ang kinabuhi nga imong ginakabuhi. Nahibalo na mo, mas maayo pay igakabuhi mo kanako ang usa ka wali kay sa iwali mo kanako, sa bisan unsang higayon.

<sup>4</sup> Usa ka higayon kaniadto, usa ka bantugang ministro, maayong full-Gospel nga tawo; ang tanan—tanang kaninyo nakaila na kaniya, siguro. Mao si Rev. Booth-Clibborn; nga nagawali sa Maayong Balita diha sa pito ka nagkalainlaing mga pinulongan. Siya usa gayud ka maantigo. Ug akong . . . Siya usa ka maantigo kaayo. Ug nagkauban kami diha sa usa ka higayon, ug siya ug si Igsoong Moore ug ako, ug nagkahisgot kami sa usa ka butang. Ug ako anaa diha sa bahin nga supak kaniya, ug mitan-aw siya kanako. Siya miingon, “Wala gayud ka masayud sa imong Biblia.” Nasayud na man mo kung unsaon ni Igsoong Booth masulti kini.

<sup>5</sup> Ako miingon, “Tinuod kana, Igsoong Booth, apan nakaila ako’g maayo sa maong Magsusulat.” Busa, busa ako—gusto kong. . . Nahibalo mo, dili ang pagkasayud sa Iyang Pulong mao’y Kinabuhi, kondili, “ang pagkasayud Kaniya mao’y Kinabuhi.” Tinuod kana. Kita n’yo? Bisan pag ako masayud sa Iyang Pulong; basta makaila lang gyud ko Kaniya! Ug kana gayud mao ang Kamatuoran.

<sup>6</sup> Kaganina ako, karong buntaga, nagapanglamano uban niining maanindot nga panagtigum, sa mga ministro. Ug ang nagalingkod dinhing dapita mao kining. . . Dili ko buot mapasundayag ang si bisan kinsa. Apan kining itumon nga tawo nga misulod, nga igsoon, milingkod didtong dapita. Ako miingon sa akong sekretaryo dinhi, “Kadto mao’y usa ka matuod nga Cristohanon.”

<sup>7</sup> Imo kong napahinumdoman ug maayo ni Ancianong Smith nga sa una usa ka Church of God in Christ, sa pagtoo ko. Sa una nagsige ako ug wali gayud kanila didtong dapita, ug—ug mora ba’g ako siyang makita. Siya kon tan-awon daw ingon sa maong igsoon dinhi, lamang nga ang iyang bigote daw ubanon na. Mosulod ako diha sa luyo nga pultahan, ug dili ko gayud mahikalimtan ang maong panultion nga naandan nang ginaingon sa maong tiguwang nga lalaki; motan-aw, ug ang tanang mga balaan magapang-awit, nahibalo na mo. Ug adunay batan-ong babaye nga kanunay nang nagpahimutang diha sa maong daplin. Ang paborito kong kanta mao ang *Lift Him Up*. Ug silang tanan magapakpak sa ilang mga kamot, diha sa kinaiyahang pentekostal, nahibalo na mo, *Lift Him Up*. Ila akong gihigugma, ug gihigugma ko sila. Ug sa dihang kami nagasulod na. . . Siya kaniadto nagalingkod dihang dapita, uban sa iyang ulo nga pina-ingon *niini*, ibabaw sa maong lingkuranan, ug ginatan-aw gayud sila, nahibalo na mo. Moingon siya, “Sulod, anciano. Ipapahulay ang imong kalo. Ipapahulay ang imong kalo.”

<sup>8</sup> Ang igsoon dinhi; ug akong nahibaloan, niadtong higayona, nga ang usa sa akong paborito nga mga mag-aawit sa Maayong Balita mao ang iyang asawa. Ug nahimo ko na ang tanang pagpasabut nga akong mahimo, aron mapakanta siya. Ug, dayon, mihangyo siya nga dili pagatawag, ug ako nahibalo kon unsay pasabut niana. Apan ako siyang personal nga imbitahon, kon iyang mahimo, sa pag-adto ug pagkanta.

<sup>9</sup> Bueno, dili ba ikaw ang igsoong babaye nga mikanta—mikanta adtong, *Ship Ahoy*, sa usa ka buntag diha sa Christian Business Men, karon? [Ang igsoong babaye nagaingon, “Oo, sir. Oo.”—Ed.] Nagalaum ako nga makaabut ang akong asawa niining semanaha, ug gusto ko kaniya nga makadungog kanimo, tungod kay napasigarbo ko nag maayo. Ug kon napakyas ninyo kana sa teyp, atong sabutan kini. Gusto ko kanang maayong mga pagkanta.

<sup>10</sup> Ug, ginasultian ko kaniadto ang mga tawo, nga ako—ako dili gayud maayo mokanta. O, sus, minilyon ka milya ako kalayoniana. Apan ako miingon, “Kon kamo makaabut na gayud sa Langit ug magapuyo diha sa inyong dakung palasyo, nahibalo na mo, sa ibabaw Didto,” Ako miingon, “didto sa pinakailalum sa bungtod, likod sa mga kakahuyan didto, adunay usa ka gamay’ng kamarote nga napahiluna didto. Mao kanay ako. Ug sa usa niining mga buntaga sa dihang kamo magagawas diha sa balkonahi ug madungog nga may usa nga nagatindog didto, nagakanta, ‘Amazing Grace! How sweet the sound, saved a wretch like me!’ Kamo magaingon, ‘Dalaygon ang Dios! Ang tiguwang Igsoong Branham sa katapusan nakahimo na gyud.’” Maatua ako didto nga nagapaminaw, nagapaninguha pagkanta.

<sup>11</sup> Sa akong mga igsoong Cristohanon, ug sa... nagtoo ako nga usa ka igsoon mipaila kaniya kanato, niining buntag, ingon nga usa ka ministro sa Buddhist, dinhing dapita. Mga pagpangumosta kanimo, akong bililhong higala. Ug ako nagkaadunay daghang mga pakighisgot, hinoon dili kaayo, apan nakaaban ang mga Buddhistang mga tawo; ug ilabina gayud sa Canada, taliwala sa mga Insik nga mga tawo, ug nahikaplagan sila ingon nga mga mahigugmaon kaayo ug mga maaghup.

<sup>12</sup> Mahinumdoman ko kadtong gamay’ng Buddhist nga tawo nga gikan sa templo sa Buddhist, nga mitambong ngadto sa tigum sa Winnipeg, ug siya usa ka buta. Mga gagmay’ng, maaghup nga gagmay’ng mga tawo, ug sila nanagtoo gayud nga ang Dios mao ang mananambal. Ug samtang gina-ampoan siya, ug iyang ginasulti pag-usab, kon giunsa niya ang Dios gihigugma, ug diha-diha ang iyang mga mata makakita na, diha sa... Ug kadto usa gayud ka—usa ka kahibulongang butang. Busa, atong—atong ginatamud ang matag tawo ug matag persona.

<sup>13</sup> Karon, wala pa gayud akoy ingon niining kahigayonan kaniadto pa, sa Chicago, sa pagpaninguha pagsulti... Nga, dili ko mosulay pagdala ug bisan unsang mensahe, tungod sa mga ministro dinhi nga labaw pa gayung makahimo kay kanako, sa pagdala ug mensahe. Apan, ug bisan pa, wala man mo mianhi aron pagpatalinghug sa usa ka mensahe. Apan akong napamalandongan nga tingali mahimo kining usa ka mahimayaong higayon nga mahimo kong matagbo ang mga ministro sa Chicago, niining distrito dinhi, ug makapag-ilailag maayo kanila, ug mahimong magkailhanay pa ug maayo sa usag-usa. Ug akong ginapasalamatan gayud ang Ginoo alang niining maong higayona. Tungod kay, ako mianhi na niining siyudara sa makadaghang panahon na dinhi, ilalum sa pagpasiugda sa usa ka iglesia, ug ilalum sa pagpasiugda sa Christian Business Men; busa, dili diha sa usa ka higayon nga mapahayag ko ang akong kaugalingon ngadto sa panaghugpong sa mga kaigsoonang lalaki.

14 Ug—ug unya akong nahunahuna, ug kadaghan gayud kanunay'ng nagasunod sa usa ka bulohaton nga ingon niini, bahin sa mga kakutihan, ug mga kalampusan ug kapakyasan, hangtud usahay masayon sa usa ka tawo nga maghunahuna ug sayup. Ug gusto kong gamiton kining mosunod nga mga minuto sa pagtinguha pagpasabut ug—ug ipatin-aw kini ngadto sa akong mga kaigsoonan, sa ingon katin-aw sumala sa akong nahibaloan sa paghimo niini.

15 Ug ako—ako dili igo ug walay kasarangan sa paghimo ug usa—usa ka pagpanulti nga mamahimong daw makatarunganon alang ngadto sa mga tawo nga edukado. Wala akoy edukasyon, ug kulang ako niana. Apan akong . . . ginahigugma ang Ginoo. Ug ang Ginoo naghatag kanako, tingalig, laing pamaagi sa pagkabig ug mga kalag, pinaagi sa usa ka Balaanong gasa, aron pun-an ang kakulangan sa kung unsay dili nasarangan ihatag sa akong mga ginikanan kanako, ang edukasyon. Gikan sa usa ka panimalay nga usa ka kabus nga pamilya, ug napulo ka mga anak, ug usa pa ka masakitong amahan, ug dili ko naangkon ang maong higayon nga makab-ot ang usa ka edukasyon. Busa gani, apan, diha sa pagkahimugso, adunay butang nga nahitabo, usa ka kasinatian diha sa Dios, ngadto sa akong inahan ug amahan. Ug inyo nang nabasa ang akong kaagi. Ug, pinaagi niana, gipanguhaan kong buhaton ang akong bahin, uban kaninyong mga kaigsoonan, sa pagpaduol sa mga makasasala ngadto kang Cristo. Ug karon ako . . .

16 Dili ako matootohon. Apan ako sa kanunay, sa dili pa pagaablihan ang Pulong, gusto ko unang makigsulti'g diyutay sa Magsusulat. Ug mahimo bang iduko nato pag-usab ang atong mga ulo sa kadali lang.

17 Among bililhong Amahan, Ikaw mao'y among Dios, ug kami nagaduol diha Kanimong sa ngalan sa Maayong Balita. Ania ako dinhi atubangan sa Imong mga anak, sa Imong mga pastor, ug sa mga kaigsoonan sa samang hamiling pagtoo. Ug daw unsa ang pagdasig sa akong kasingkasing sa pagkadungog niining mga kalalaken-an nga kaniadto pa dili nahisabtan, ug gipadala ngadto sa mga institusyon, alang sa Gingharian sa Dios; makita kung giunsa Mo pagtawag ang Imong mga anak niining katapusang mga adlaw.

18 Ug kami nagatoo gayud, Amahan, nga kami nagapanginabuhi na diha sa katapusang kaliwatan. Maingon sa giingon sa propeta, “Nga motungha ang Kahayag sa panahon sa kagabhion.” Ug nagatoo karong panahona nga kami mao'y mga tigdala niining dakung Kahayag sa Maayong Balita nga, pinaagi sa Imong grasya, Imo kaming gitugotang dalhon ngadto sa mga kinatumyan sa kalibutan, diin kining rebaybal mipaingon na.

19 Ug ako nagaampo, Amahan, nga, gikan sa akong kasingkasing, nga Imo akong tugotan sa pagpahayag ngadto

sa akong mga kaigsoonan, niining buntaga, ang tumong ug katuyoan sa akong kinabuhi nganha Kanimo, aron ilang mahisabtan. Itugot kini, nga aron makabaton kami ug hingpit nga gugma, ug pagpakig-ambitay, ug pagtinabangay, diha sa tanang bulohaton sa Maayong Balita. Kay among ginapangamuyo kini sa Ngalan ni Jesus, nga Kinsa nag-ampo nga kaming tanan magkahiusa, ingon nga Siya ug ang Iyang Amahan Usa. Ginatoohan kini, nga, “Kini mahibaloan sa tanang mga tawo nga kamo Akong mga tinun-an, kon kamo adunay paghigugmaanay, sa usag usa.” Amen.

<sup>20</sup> Karon lang . . . Ug ako nagalaum ug nagasalig nga wala ko kamo ginapalaay mga igsoong lalaki ug babaye, bahin niini. Apan ginahunahuna ko nga gusto kong iklaro ang akong kaugalingon, aron nga dili na ninyo kinahanglan pang paminawon kon unsa pay ginasulti sa uban. Ug ako nang gipasabut, sa makadaghang higayon, diha sa uban pa nga pang-ministrong mga tigum, apan kini mao’y una kong higayon sa maong grupo sa Chicago, ug gusto kong ipasabut ug maayo ang akong kaugalingon, kanang mahitungod sa kung unsay ginatinguhaan kong buhaton.

<sup>21</sup> Diha sa dalaygong karaang Maayong Balita, ang Ika-26 nga kapitulo sa Basahan sa Mga Buhat, atong mabasa.

*Tungod niini, O hari Agripa, wala ako  
magmasinupakon sa langitnong panan-awon:*

<sup>22</sup> Kini mao, siyempre, si Pablo nga nagasulti. Nga, kitang tanan, ingon nga mga ministro, gusto nga mobasi balik ngadto kaniya, tungud kay siya . . . Kita, diha sa usa ka panagkauyon, nagatoo nga siya kaniadto mao ang apostoles ngadto sa Gentil nga iglesia, nga ang Dios nagtawag kaniya aron mamahimong usa—usa ka saksi ngadto sa mga Gentil. Ug ang iyang pagpangalagad gidudahan pa.

<sup>23</sup> Ug kasagaran, ang bisan unsa nga dili kasagarang butang nga nagatungha, kini ginasusi. Kini, ug sa akong paghunahuna nga wala na gayu’y husto pa niini; kini kinahanglan gayud susihon. Ug sa akong paghunahuna nga ang mga pastor usahay matahapon kaayo sa—sa mga butang nga ilang mangadunggan, ug ako nagatoo nga sila may katungod nga maingon niana. Tungod kay, kon nahisabtan ko ang hubad sa pulong nga *pastor*, nagkahulogang usa ka “magbalantay.” Ug, busa, siya usa—usa—usa ka tigpapakaon, o usa ka tigpasibsib, sa usa ka pundok sa mga katawhan ug mga kababayen-an nga kinsa ang Balaang Espiritu mao’y naghimo kaniya nga usa ka tigpanglantaw. Ug aduna siyay katungod sa paghibalo kon unsang matanga sa pagkaon ang ginakaon sa iyang carnero, ug kon diin kini nagagikan. Sa akong pagtoo aduna siyay katungod niana.

<sup>24</sup> Ug kon ang usa ka pastor, o usahay ang mga tawo, daw diyutay nga may katahap gayud, dili kana, dili gayud, dili

kinahanglan mabalaka ang si bisan kinsa. Kini kinahanglan lang magdala pa ug pagrespito ngadto sa kasingkasing sa tawo, alang sa maong tawo sa taliwala kanila, nga nagabarug, nga mosusi niini. Ug, bisan pa man, kon dili kamo sigurado nga nakalinya sa husto, unsaon man ninyo paglakaw pinaagi sa pagtoo?

<sup>25</sup> Kon imong ibutang diha sa imong hunahuna . . . Karon, kini morag sikolohiya; nga kini tingali mao man, ug mao gayud, apan puede ra. Apan tinuod sa imo lang, gikan sa imong kasingkasing, maghunahuna nga dili ka gayud makatindog gikan sa maong butang, malagmit dili gayud. Kita n'yo? Gikinahanglan mo gayud. . . Mao ra kana kasimple.

<sup>26</sup> Kinahanglan nga motoo kamo. Kinahanglan nga aduna kamoy pagtoo. Kinahanglan nga aduna kamoy pagsalig. Ug unsaon man ninyo pagsalig sa bisan unsang butang nga kamo—nga kamo wala man gani mahibalo kon diin na kamo paingon? Unsaon man nako pagbiyahe diha sa dalan nga wala pa gayud nako maagihan kaniadto, sa naghagurus nga pagpadagan, ug sa tanang mga kurbada, nga wala mahibalo kon unsa ang mahitabo sa sunod nga kurbada? Inyong kinahanglan makita kon diin na kamo paingon, kondili dili kamo mahibalo kon unsaon ang paglakaw. Ug ingon niana kinahanglan ang matag-usa kanato. Ug sa diha nga inyo nang mahimo, makita ninyo kini, gipadayag kini kaninyo, ug nahibalo ka na kon diin ka paingon, nan wala nay bisan unsa nga makapugong diha kaninyo.

<sup>27</sup> Ug mao kanay, sa akong pagtoo, si Pablo, kon unsay iyang ginapaninguha pagpasabut ngadto kang Agripa dinhi. Nga, siya—siya misulti ngadto kanila nga, “Kaniadto usa ako kaninyo.”

<sup>28</sup> Ug gitoohan ko, tingali, kon—kon kining igsoong Baptist, ug makaadto sa simbahan sa Baptist niining buntaga, siya ug ang iyang asawa, mao kana tingali ang ilang pagpamatuod. “Ako—ako kaniadto usa diha kaninyo.”

<sup>29</sup> O kaha, ang Church of Christ, o ang—ang Campbellite nga igsoon dinhi, moadto ngadto—ngadto sa iyang mga kauban. Ako nagtoo nga kini gitawag na sa usa ka mas maayo nga ngalan; Disciples of Christ, ang ilang pagtawag niini, apan sa tinuoray kini alang sa doktrina ni Alexander Campbell. Ug unya ang Church of Christ migawas gikan kaninyo, nga hinungdan sa musika. Husto kana, dili ba? Ug kon mahimo niyang balikan sila, ingnon niyang, “Kaniadto usa ako kaninyo.”

<sup>30</sup> Ug si Pablo nagabalik dinhi ngadto kang Haring Agripa, ug kang Festo, ug miingon, “Ako kaniadto usa diha kaninyo. Ako kanhi ang Fariseo sa mga Fariseo.” Siya natudloan ilalum ni Gamaliel, ang bantugan nga magtutudlo, ug iyang nasayran ang tanan nilang mga pamalaud ug mga lagda, ug kon unsa gayud ang ilang gitoohan ug unsay wala nila toohi. Ug miingon, “Bisan

pa gani akong gilutos ang Iglesia sa Dios ngadto sa kamatayon.” Kita n’yo? Siya miingon, “Ang pinakahinungdan gayud nga ako ginasuta, mao ako ang manglulutos kaniadto.”

<sup>31</sup> Ug kanunay na nakong gihunahuna nga ang kamatayon ni Esteban nakaapekto gayud ngadto kang Pablo, tungod sa iyang pagkakita niadtong mahimayaong hulagway sa nawong ni Esteban. Sa dihang siya mihangan, ug ang mga bugon nangigo pagmakmak kaniya ngadto sa kamatayon, ug siya miingon, “Akong nakita si Jesus nga nagatindog sa tuong kamot sa Dios.” Ug nahibalo mo, mapatay man ninyo ang usa ka mensahero, apan dili gayud ninyo mapatay ang iyang mensahe. Kini mao ang Kamatuoran. Ug ang mensahe, bisan pag si Esteban mipanaw na ngadto sa pagbarug kauban ni Jesus, bisan pa niana, ang iyang mensahe nagpadayon, kay si Pablo padayon nga nagahisgot bahin niini, ug, unsa pa, siya mao’y “pinakaubos” kanila, ug dili angayan nga pagaisipon nga usa kanila, tungod kay siya nakasaksi man ug—ug naghatag sa iyang pahanugot sa pagpatay niining diosnong tawo.

<sup>32</sup> Ug busa, si Pablo, sama sa tanang tawo sa atubangan sa mga kalalaken—an gikinahanglan buhaton, ginadala ni Pablo ang iyang—iyang kasinatian, pabalik, gikan sa sinugdan, kon unsa siya kaniadto; ug unya iya kining ginapahiluna ug ginapasukad diha sa Balaanong Kasulatan, aron ipakita nga kon unsa may iyang ginabuhay nagasukad sa Kasulatan. Bisin pag kini supak sa ilang tinooan, apan iyang ginapakita ngadto kanila nga kato mao ang Kasulatan.

<sup>33</sup> Busa, ang pagtoo ko nga kita. . . Sa bisan unsang butang, ingon sa kanunay ko nang ginaingon, mga kaigsoonan, kamo nga nagpanabong na sa maong mga panagtigum, nga, kon ako may makaplagan nga nagpanulti sa mga butang nga dili Makasulatanon, nan siguro kini tinuod nga. . . o si bisan kinsa nga lain pang igsoon, kita angay moduol sa usag-usa ug moingon, “Wala kana nakasulat sa Biblia,” nakita ninyo. Kon kini anaa man sa Biblia, tingali aduna kay laing interpretasyon; apan, kini, kon kini anaa diha sa Kasulatan, maayo.

<sup>34</sup> Karon, si Pablo nagahatag sa iyang paghubad sa kon unsay giingon sa propeta, ug sa kon unsay giingon ni Moises, nga magapanghitabo. Ug iyang natagbo si Jesus diha sa dalan, sa usa ka panan-awon. Ug kining Jesus mitawag kaniya.

<sup>35</sup> Nga, dili kato unta kinahanglan malisod nga butang alang adtong mga Judeo, sama sa iyang giingon, “Pinakahalangdon nga Festo,” ug—ug uban pa, nga kini “talagsaon bang butang diha kanimong, nga ang Dios mobanhaw sa patay?” Kita n’yo? “Tungod kay kon ikaw nasayud kon unsa ang Dios kaniadtong panahon, pinaagi sa—sa mga Kasulatan, sigurado gayud nga ikaw masayud nga mahimo Niyang banhawon ang patay.”

<sup>36</sup> Ug dayon siya miingon, iya silang gisaysayan sa iyang kasinatian didto sa dalan paingon sa Damasco, sa kon unsay nahitabo, nga, aron ipahibalo kanila nga kining Jesus nga—nga ilang gikaguliyangan ug maayo kabahin kaniya sa pagwali Niini, mao gayud mismo ang Dios nga ilang gialagaran sa tanang panahon. Tungod kay, Siya atua sa kamingawan uban kanila, Kinsa mao’y nagtultol kanila, ingon nga mao ang Kahayag; ang Kalayo, ang Haliging Kalayo nga naggiya kanila. Ug Siya mipakita kang Pablo sa mao ra gihapong butang, ang maong Kahayag gihapon, nga mibuta kaniya. Ug iyang gipangutana, “Kinsa ka man, Ginoo?”

<sup>37</sup> Ug Siya miingon, “Ako si Jesus, nga imong ginalutos. Ug malisod kini kanimo pagtindak batok sa mga tinalinsan.”

<sup>38</sup> Ug iyang ginapaninguha pagpasabut ngadto kanila kung unsa kadto, ug—ug iyang ginapaningkamotan pagtudlo kanila nga, kon unsa kato ang iyang ginapahayag ngadto sa katawhan, kadto mao, nga, “si Jesus Cristo mao ang Mesias, ug nga Siya namatay, ug ang Dios nagbanhaw Kaniya.” Ug kato sumala sa Balaan nga Kasulatan. “Ug nga Siya karon mikayab na ngadto sa Kahitas-an, ngadto sa Dios nga Amahan,” ug nga—nga siya mao’y usa ka saksi sa Iyang pagkabanhaw. Ug, nga, kining mga milagro, ug mga ilhanan, ug mga kahibulongan, nga talagsaon sa atubangan sa mga tawo, dili bag-o ngadto sa matuod, Makasulatanong magtotoo, tungod kay ang Biblia naghigot na niini.

<sup>39</sup> Tan-awa pagbalik kaniadto ang mga propeta, kon giunsa nga kini nagpanagna, kon unsaon, diha sa pag-abut sa Mesias, ug kon unsay Iyang pagabuhaton, “Ang piang molukso sama sa lagsaw,” diha sa Isaias 35 ug lain pang mga Kasulatan nga iya pa mahimong matudlo. Wala nato kini nahisulat dinhi, apan tingali sa paghibalik ug pagpangkutlo niini diha sa iyang hamubo nga pakigpulong sa atubangan sa mga hari; tungod kay, sila tingali dili ingon ka mapasensiyahon kaniya sama diha kaninyo kanako. Busa, ug dayon iyang—iyang ginapasabut kini, ug ginapaninguhaan pagsaysay kanila nga ang mismong Dios nga ilang gialagaran. . .

<sup>40</sup> Ug dayon, pag-usab, siya miingon, “Sa dalan nga gitawag *tinoohang supak*,” nga, “binuang,” kita n’yo. “Sa dalan nga gitawag *tinoohang supak*, mao kanay paagi nga ako nagasimba sa maong Dios nga inyong ginasimba.” Kita n’yo, “Sa dalan nga gitawag *tinoohang supak*.”

<sup>41</sup> Sigurado ako nga, karong panahona, kon kita mibarug uban sa atong kanhing mga kaiglesiahanan nga ato kanhing gikasakupan, sama sa Presbyterian, Katoliko, Baptist, ug mga nagkalainlain pa, makasugilon kita sa mao gihapong pagpamatuod niadtong mga tawo kinsa nagaingon nga ilang gusto, sama sa, isulod ang maong igsoon diha sa tambalanan



sa buang, o butang nga sama niana. “Sa dalan nga gitawag tinoochang supak, mao kanay paagi ako nagasimba sa Dios sa akong mga amahan.”

<sup>42</sup> Ug daw unsa ka dakung pagpamatuod kadto sa atubangan ni Agripa, nganha gani nga sa tungatunga sa iyang panulti, si Agripa misiyagit, ug miingon, “Pablo, Saulo, imo akong hapit na makabig nga mahimong usa ka Cristohanon.” Kita n’yo, kon giunsa, niya pagdala sa Balaang Kasulatan sa tin-aw kaayo, bisan pag supak sa iyang kaugalingong sinagoga. Apan ang mga Balaang Kasulatan hingpit gayud sa katin-aw, hangtud nga siya miingon, “Imo akong hapit na makabig nga mahimong sama kanimo.”

<sup>43</sup> Si Pablo miingon, “Mao’y akong tinguha, sa tanan, lamang nga dili ko buot nga ikaw maania niining mga talikala nga ako ania karon, nakita ninyo,” apan ingon nga usa ka magtotoo sama kaniya kaniadto. Sa laing mga pulong, kon ako . . . “Mao’y akong tinguha ngadto sa Dios nga imo unta nakita ang pinadayag sama—sama sa akong pagkakita niini.” Sa laing mga pulong, “Ako—akong gusto nga imong mabuhat kana.” Kita n’yo? “Mao’y akong gusto nga imong buhaton.”

<sup>44</sup> Sa dihang, si Festo, sa akong pagtoo, nagsulti kaniya nga siya “mipalabi sa pagtuon,” siya “wala na sa iyang pangisip.” Apan iya siyang gipahibalo nga siya—siya wala nabuang; nga siya—siya nahibalo kon asa siya nagbarug.

<sup>45</sup> Ug buot kong isulti kini, niining buntaga, mga kaigsoonan. Ang tanan-tanan kong ginahandum nga ako tingali . . . Dili nga ginapasabut ang kinabuhi ni Pablo, apan aron lang paghatag ug diyutay nga pangunang paghisgot. Tungod kay, aduna pay daghan dinhi tingali nga mosulti niining buntaga, apan gigusto ko kining kahigayonan sa pagsulti niini. Karon akong gitinguha nga ang matag nagkalainlaing iglesia, ingon sa akong nadunggan nga inyong ginaadtoan, ang Bethel Temple, Independent, Assemblies of God, ug mga nagkalainlain pa . . . Tinguha ko nga ang tanan kaninyo makita ang kung unsay akong nakita; nga mahimo ninyo. Akong tinguha nga inyong makita ang panan-awon nga akong makita, dayon magkaaduna kamoy usa ka mas tin-aw nga pagsabut, nianang maong ministerio.

<sup>46</sup> Sa dihang ako mibiya sa Baptist nga iglesia, aron mopaingon ngadto sa pentecostal; ug si Dr. Roy E. Davis, nga mao’y nag-ordena pasulod kanako sa Missionary Baptist nga iglesia, miingon kanako nga ako gidaman, sa dihang ang panan-awon sa Ginoo miabut ug—ug misulti kanako. Ug—ug nahibalo na mo kon unsa pa ang mga pagpang-ayo niadtong panahona, ubos pa kini kaniadto.

<sup>47</sup> Ug—ug wala gayud akoy kasayuran bahin sa mga Pentecostal. Ako nadunggan nga sila mao’y usa ka pundok sa mga holy-roller nga nananghapa sa salog ug nanaglaway

sama sa buang nga mga iro, ug ila sila kinahanglan paypayan ug aron sila maulian, ug tanan nga sama niana. Mao lang kana ang akong nasayran bahin sa Pentecostal nga mga tawo.

Miingon siya, “Kinsa ba imong ginadahum nga mopatalinghug kanimo?”

<sup>48</sup> Ako miingon, “Kon ang Dios ang nagapadala kanako, adunay dapit ug tawo nga Iyang pagapadal-an kanako.” Tinuod kana. Kita n’yo? Kay, ako miingon, “Dr. Davis,” Ako miingon, “Tinuod Siya gayud; nagtindog ako ug nakatan-aw Kaniya,” akong giingon. Ila akong giingnan nga kadtong mga pananawon. . .

<sup>49</sup> Usa ako ka dakung magtotoo, mga kaigsoonan, nga—nga ang mga gasa ug mga pagtawag dili mabakwi. Ako—ako nagatoo niana. Kamo natawo, dili kamo mahimong usa ka butang nga dili kamo mao. Ug sa diha gani inyong ginapaningkamotan paghimo sa inyong kaugalingon ug usa ka butang nga dili man kamo mao, inyo lang ginabuhat ang papel sa usa ka tigpakaaron-ingnon. Ug tugotan ako sa Dios nga mamatay sa dili pa mahimong usa ka tigpakaaron-ingnon, kita n’yo. Tugoti ako kon unsa lang ako, ug unya himoon kining tin-aw ug klaro. Ug—ug, unya, itugot— itugot kanako nga mahimong ingon-ana, ug dayon mahibaloan sa tanan. Dayon kamo mahibalo na sa tukma gayud.

<sup>50</sup> Ug busa karon, ingon sa inyong nahibaloan, wala ako nakakab-ot ug igo gayud nga pag-eskwela, sa ako nang giingon. Busa diha sa akong. . . diha sa teolohiya, ako ang pinakakabus dinha. Ug siguro nahibalo na kamo niana, kita n’yo. Ug ingon nga usa ka magwawali, halos dili ko gani matawag ang akong kaugalingon nga ingon niana, tungod sa wala pagkakab-ot sa pag-eskwela ug sa pag-ila sa mga pulong, ug uban pa. Apan kon unsa man kadiyutay ang ania kanako, aron. . . ingon sa akong kahibalo sa pag-ila, pinaagi sa Iyang Grasya, ang Ginoong Jesus, ginapaninguhaan kong ipaambit kana sa tanan kong mga kaigsoonan sa tanang dapit, aron sa pagpaambit niini.

<sup>51</sup> Ug, apan, sa dihang mibiya ako sa Baptist nga iglesia; nga mao lang nga iglesia nga akong nasudlan, o nga diin naordenahan. Ug ako naordenahan sa 1933, sa iglesia sa Missionary baptist, sa Jeffersonville, Indiana. Kini mao’y usa—usa. . .kini usa ka sakop sa Southern Baptist Convention. Unya kami, niining panahona, Ako. . .sa dihang ako mihawa ug nga. . .

<sup>52</sup> Karon, ang iglesia nga Baptist usa ka gawasnon nga iglesia. Kita—kitang tanan nahibalo niana, nga kini usa—kini usa ka. . . Mahimo mong iwali ang bahin sa bisan unsa nga gusto nimo, kon ang imong kongregasyon mobarug niini. Ila lang. . .Gusto mong iwali ang bisan unsa nga imong gusto.

<sup>53</sup> Ug gusto ko kana, kita n’yo, tungod kay ako nagatoo nga kini apostolikanhon. Tungod kay, ang ulo, ang pinakataas nga

katungdanan sa iglesia, mao ang magbalantay, kita nasayud niana, ang pastor. Ug—ug kon ang—ang. . . Kon may obispo o uban pa nga pukanon ang pinadayag gikan sa pastor, nan unsaon na man gayud sa Dios pagpanglihok diha sa iyang iglesia? Nakita ninyo, dili gayud ninyo makab-ot kini. Busa, ug aduna akoy. . .

<sup>54</sup> Sa dihang mihawa na ako didto, gikahibalag ko ang unang pundok, nga mao’y pag-ayo sa gamay nga si Betty Daugherty, sa St. Louis, Missouri. Ug kadto usa ka Pentecostal United, o usa ka Pentecostal Jesus’ Name nga iglesia, ug nga diin nahisakup kini nga pastor, ug ang iyang gamay’ng batang babaye naayo. Sa tinuoray, abi ko nga mao kato ang nakapahimo kaniyang pentecostal, mao’y tungod nga ilang gitawag ang ilang mga kaugalingon, “Jesus Only.” Ug abi ko nga mao kana ang nakapahimo kanilang pentecostal, tungod nga mao kana kon unsa ang ilang pagtawag sa ilang mga kaugalingon, ug mao kadto ang pagkalahi. Busa, bueno, dayon gikan didto ako miadto sa. . .

<sup>55</sup> Ug usa ka maayo kaayong tawo; nagkaadunay usa ka dakung tigum sa St. Louis, nga ginapakita didto sa maong retrato. Ug among nakuha ang Kiel Auditorium; ug ang unang gabii, o duha, adunay katorse ka libo ang mipuno niini, ug dili gani namo. . . kinahanglan nang pahimutangan ug mga pulis sa mga pultahan, aron pagpugong na kanila.

<sup>56</sup> Ug dayon gikan didto, paingon ngadto kang Richard T. Reed, sa Blessed Old Bible Hour Tabernacle, sa Jonesboro, nga sa mao pud nga organisasyon. Ug gikan niana, paadto kang Dr. G. H. Brown, nga mao ra nga organisasyon, sa 505 Victor Street sa Little Rock, Arkansas. Ug, gikan didto, ngadto na sa West Coast.

<sup>57</sup> Ug dayon sa dihang ako miabut na sa West Coast, nahikaplagan ko ang mga pagpanuki. Dayon akong nahikaplagan nga adunay daghang mga pagbahinbahin taliwala sa mga pentecostal nga katawhan, diha sa ilang mga organisasyon, sama sa ato nga mga Baptist. Kita n’yo, kanila adunay adunay daghang mga panagkalahi-lahi, aduna didtoy, aduna silay kalainan. Aduna ang Assemblies of God, ug ang Church of God, ug uban pang butang, ug uban pang butang, ug uban pang butang, ug ang—ug ang mga panagkalahi-lahi. Ug gibulag-bulag nila ang ilang mga kaugalingon, ug mibadlis sa mga ginagmay nga mga linya sa utlanan. Ug ang tanan nga uban pang mga kaigsoonan misugod pagduol kanako, ug nagasulti kanako, “Aba, ikaw usa na ka Jesus Only, uban niining pundoka nga ania dinhi.”

Ako miingon, “Dili, dili ako—dili ko ginatawag ang akong kaugalingon niana.” Kita n’yo?

Siya miingon, “Aba, nagapakighiusa ka man kanila.”

58 Ako miingon, “Bueno, kana—kana wala man nagapahimo kanako niana.” Kita n’yo? Ug ako miingon, “ako—ako—ako lang. . .Sila mga igsoon.”

59 Ug siya miingon, “Aba, sila usa ka pundok sa. . .Aba, wala gyud sila bisag unsa kondili usa ra ka pundok sa mga tugdonanan sa uwak ug mga butang, sa palibot, ingon niana. Diin nga. . .”

60 Ako miingon, “Karon, pasayloa ko. Nahibalag ko ang matuod nga mga diosnong tawo didto. Ug sila mga tawo sa Dios.” Ug ako miingon, “ako—ako sa tinuoray gayud nagakasuko nga ginatawag silang dautan; tungod kay, sila dili.”

61 Bueno, dayon akong gitinguhaang pugngan kadto kutob sa akong mahimo, nga walay pagpahayag sa bisan hain man nga dapig. Bueno, akong gisugdan pagtuon kon unsay ilang mga panghunahuna, ug kon unsay ilang mga pagpanagbulag, ug kon unsa may nagpabulag kanila. Ug akong nahikaplagan nga duha sa mga dagkung pundok, ang usa kanila, gitawag ug Jesus Only, ug ang laing usa gitawag ug Assemblies of God. Ug sila ninggawas, o nagkabulag, hinungdan sa lantugian sa bautismo sa tubig; ang usa nagagamit sa “Amahan, Anak, ug Espiritu Santo,” ug ang laing usa nagagamit sa Ngalan nga “Jesus.”

62 Bueno, akong gitan-aw, ug sa parehong bahin adunay bantugang mga tawo, mga alagad sa Dios. Ug akong nahunahuna, “O Dios, kon makita ko lang silang tanan nga mahimong. . .mopadayon lang ug magkaadunay. . .apan dili lang mobadlis ug ilang mga linya, ug nagaingon, ‘Dili kami magapakighiusa sa usag-usa.’” Apan akong nahikaplagan, dinhi, ang dautang espiritu mao’y mipataliwala kanila ug nagpahinungdan sa kasilag ug pagkamadinauton, mahitungod sa mga hilisgutan nga mipataliwala kanila. Akong nahunahuna, mao kanay tukma gayud nga gusto sa Yawa. Mao kana gayud kon unsay iyang gusto. Samtang ang inyong mga pusil mipunting ngadto sa usag-usa, dili niya kinahanglan makig-away bisag gamay. Ug akong. . .

63 Ug gani dayon, sa katapusan, kini nahiabot sa usa ka pagpakigsangka. Ug katong pagpakigsangka nahitabo sa Seattle, Washington, mga 1946. Ug usa niana ka buntag gidala ako ngadto sa lawak-hulatanan sa hotel, usa ka dapit nga ingon niini, uban sa usa—usa ka pagpamahaw sa pipila ka mga ministro. Ug gikinahanglan kong makighinabi ngadto sa duha ka mga punoang tawo.

64 Ug ang usa kanila mao si Dr. Ness. Ug siguro kamong mga kaigsoonan nga Assemblies of God nakahinumdom kaniya. Siya atua sa teritoryong amihanang kasadpan; usa ka bantugan nga tawo, maantigo, makinaadmanon. Ug siya ang nagrepresentar sa Assemblies of God.

<sup>65</sup> Ug dayon, si Dr. Scism, sa United Pentecostal nga iglesia. Siguro kamong mga kaigsoonan sa United Pentecostal nakahinumdom kaniya. Siya usab taga-amihanang kasadpan nga mga teritoryo didto, nga siya mao ang punoan kanila ug sa mga distrito didto.

<sup>66</sup> Bueno, kining duha ka mga tawo nagkatagbo. Ug ako kinahanglan pagadalhon sa atubangan kanila, tungod kay ang—ang mga sulab nagkahait na, ug kini nagadisdis kanako gikan sa matag dapit. Ug akong nahunahuna, “Unsa bay angay kong pagabuhaton? Unsa may akong mabuhat?”

<sup>67</sup> Karon, bueno, sila miingon, “Bueno, kinahanglan modapig ka sa usa o sa lain ba. Kung magapakig-uban ka sa Jesus Name, kinahanglan nga sa Jesus Name ka. Ug kung moadto ka uban sa Assemblies of God, kinahanglan nga mopahilayo ka sa Jesus Name, ug mamahimong Assemblies of God, o uban pa.” Miabot kini ngadto sa usa ka punto nga kinahanglan kong magpahayag ug ingon anang butanga.

<sup>68</sup> Nag-ampo akog maayo sa wala pa ako miadto didto. Ako miingon, “Dios, tabangi ako. Tungod kay, adunay duha ka bantugan nga mga tawo; adunay linibo nga mga alagad. Ug Imo ako gipadala dinhi uban sa usa ka bulohaton. Ug sila parehong Imong mga alagad. Ug angay bang ihatag ko ang diyutay’ng impluwensiya nga aduna ako ngadto sa usa ka organisasyon sa dihang ginaaway kini ang usa?” Kita n’yo? “Akong-dili ko gayud mabati nga husto ang pagbuhat niana. Wala ko ginahunahuna nga kini kabubut-on ni Cristo alang kanako nga buhaton kini.” Ug ako miingon, “Dios, tabangi ako ug hatagi akog usa ka butang nga pagabuhaton, o hatagi akog butang nga isulti.”

<sup>69</sup> Ug dayon wala na akoy kadapig. Kinahanglan ko lang mobarug didto, si Ginoong Jesus lang ug ako, niadtong buntaga.

<sup>70</sup> Bueno, ang dakung lantugi miabot na. “Unsa may imong pagabuhaton? Unsa—unsa—unsa bay mamahimo nimong desisyon?”

<sup>71</sup> Ako miingon, “Ang akong desisyon human na. Nga, ang akong desisyon, mao ang pagbarug taliwala kaninyong duha, ug dili mopasakop hain man sa duha ka organisasyon; ug nagaingon, uban sa mga bukton nga nakaagbay kaninyong duha, “Managsoon kita.” Kita n’yo? Kita n’yo, kita mga magsoon. Kita n’yo? Ug ako miingon, “Gipaningkamotan ko pagbasa ang tanang mga libro kutob sa akong mahimo, kung giunsa nga kini mitungha, kung unsa kining gitawag ‘bag-ong hilisgutan,’ ug giunsa nilang pagbulagbulag sa ilang mga kaugalingon, ug giunsa man nga *kining* usa misugod niining paagiha ug nianang paagiha.” Ug ako miingon, “Diha sa mga paglantugi taliwala kaninyo,” ako miingon, “kana mao ra gihapon nga butang ang nagpabuak sa pentecostal nga kalihokan, niadtong adlawa . . .

human sa Pentecostes. Nagsugod sila paglantugiay sa usag-usa.”  
Ug ako miingon, “Ang maong butang nagapahibulag na usab.”

<sup>72</sup> Ako miingon, “Aduna bay posibilidad nga aduna pay mamahimong tigpatunga sa inyong duha, kaninyo mga igsoon? Aduna bay bisan unsang butang nga—nga mahimong maghusay?”

<sup>73</sup> Bueno, dili sila moabri sa ilang baba niana, tungod kay kato mahait gayud. Nahibalo mo, halos kensi, bayente na ka tuig ang milabay, kon unsa kini kaniadto, tungod kay ang usa ka pundok bag-ohay pa migawas gikan sa usa, ug adunay panagbangi ug maayo.

<sup>74</sup> Busa ako miingon, “Bueno, mga igsoon, kini ang akong buhaton. Buhaton ko ang... Ang Dios wala gayud mipadala kanako sa pagpangbautismo, hinoon. Iya akong gipadala aron sa pagpang-ampo alang sa Iyang masakiton nga mga anak.” Ako miingon, “Busa, ako maga—magapang-ampo alang sa maong mga anak nga masakiton, ug kamong mga ministro buhata ang inyong kaugalingon nga pagpangbautismo,” akong giingon.

<sup>75</sup> Ako miingon, “Karon gusto kong mangutana kaninyo ug usa ka butang, aron lang nga masabtan ninyo.” Ako miingon, “Igsoong Ness, kining mga tawo nga Jesus Name, nagatoo ka ba nga nadawat nila ang Espiritu Santo kung sila nagasulti sa mga dila ug ginabuhat ang mao rang butang nga inyong ginabuhat diha sa Assemblies of God?”

Miingon, “Sigurado.”

<sup>76</sup> Ako miingon, “Igsoong Scism, nagatoo ka ba nga ang Assemblies of God adunay Espiritu Santo kung sila nagasulti sa mga dila ug nagabuhat sa mao rang butang nga inyong gibuhat diha sa bautismo?”

Siya miingon, “Tinuod, ako nagatoo.”

<sup>77</sup> Ako miingon, “Karon, ang Biblia miingon, ‘Ang Dios nagahatag sa Espiritu Santo niadtong nagatuman Kaniya.’ Karon, kinsa may nagtuman Kaniya? Kinsa bay nagtuman Kaniya? Kinsa man sa usa kaninyo ang nagtuman Kaniya? Ug ang Dios naghatag sa inyong duha sa Espiritu Santo, kita n’yo.”

<sup>78</sup> Ako miingon, “Moingon ka ba, Igsoong Scism, nga si Igsoong Ness walay Espiritu Santo?”

Miingon, “Dili.”

<sup>79</sup> Ako miingon, “Moingon ka ba nga si Igsoong Scism walay Espiritu Santo?”

<sup>80</sup> “Dili.” Kita n’yo? Nga, silang duha nagtoo nga ang usag-usa kanila adunay Espiritu Santo.

<sup>81</sup> Apan, nakita ninyo, dili gayud masabut, mga igsoon. Dili masabut. Ug nadunggan ko, diyutay’ng panahon human niadto...

Balikan ko ang akong tumong sa pipila ka minuto.

<sup>82</sup> Ang mga kaigsoonan natong taga-Finland dinhing dapita, human nga mibiya ako sa Finland; diin gihatag sa Dios kanato, nga unsa sa akong paghunahuna, mao'y usa sa atong pinakadakung mga panagtigum. Didto diin ang gamay'ng, patay na nga batang lalaki gibanhaw, ug daghang mga butang. Akong mga nahibalag sa Stockholm, Sweden, nakauban si Lewi Pethrus sa simbahan sa Filadelfia didto nga usa ka bantugang tawo sa Dios, ug ang simbahan sa Filadelfia. Si Igsoong Gordon Lindsay, nga karon . . . siguro. Siguro dili na siya nahisakop niini karon, apan siya sakop kaniadto sa Assemblies of God.

<sup>83</sup> Ug ang Assemblies of God mao'y usa sa akong dakung mga tigpasiugda, sa mga kanasuran. Ug ang Foursquare, nga usa kaniadto ka nagsipak gikan sa Assemblies of God, usa sa akong dakung mga tigpasiugda. Ang Oneness mao'y, sa mga kanasuran, usa sa akong dakung mga tigpasiugda. Kita n'yo? Ug ako lang gibarugan kana, nagbilin lang sa mahait nga mga sulab, ug dayon gibarugan, nga dili ako modapig bisan hain sa duha ka bahin nianang paglantugianay. Hangtud nga makita nato nga kita managsoon, ug maghiusa, ug dayon atong—atong tanan makita kanang mao rang diretso nga tumong didto, nga atong ginapaingnan, ang motibo ug katuyoan sa pagbuhat niana.

<sup>84</sup> Ug inyong—inyong kinahanglan susihon ang inyong motibo ug katuyoan, una. Una, hibaloa ang kabubut-on sa Dios; ug dayon tan-awa ang inyong katuyoan; ug dayon susiha ang inyong motibo ug tan-awa kon husto ba ang inyong motibo. Dayon, sama sa giingon ni Jesus sa Marcos 11:24, “Kon kamo moingon niining bukid, ‘pagbalhin,’ ug wala nagaduhaduha sa inyong kasingkasing.” Apan samtang nga may pagduhaduha pa sa kasingkasing, nga kon kini ba kabubut-on sa Dios, o ang imong motibo o katuyoan sayup, unsaon man niini pagbalhin? Apan sa dihang kamo nasayud nga ang inyong motibo husto, ug kini ang kabubut-on sa Dios, ug ang inyong katuyoan husto, kini mobalhin gayud. Mao lang kana, o ang Dios nagsulti sa usa ka butang nga sayup.

<sup>85</sup> Mao kana ang pinakahinungdan, sa dihang ako nagasaka sa plataporma, sa mga kasimbahanan, wala gayuy nakadungog kanako nga nagahisgot nianang mga butanga sa plataporma, kadtong mga hilisgutan. Dili ako naghilabut kanila. Kita n'yo, anaa ra kana, kaninyo nga mga kalalaken-an. Kita n'yo? Ania ako aron pagtabang kaninyo sa pagkabig ug mga kalag ngadto kang Cristo, pinaagi sa Balaanong gasa, nakita ninyo. Kita n'yo? Wala kini deperensya . . . Buhata ang inyong pagpangbautismo. Apan unya pag-abot sa . . .

<sup>86</sup> Hinoon, ako gitawag na sa kon unsa nang butang. Ako gitawag na, wala ko mahibalo kon kapila na, bisan asa gikan sa usa—usa ka “nagpakaunod nga anak sa Dios” paingon sa usa—

usa ka “yawa.” Tinuod kana, tanan na. Apan, sa luyo niining tanan, inyo akong igsoon, isigkalungsuranon sa Gingharian sa Dios; nagapamuhat uban kaninyong tanan, alang sa Gingharian. Ug mao kanay tinuod.

<sup>87</sup> Karon akong, kon kini puede ra, ug sa hunahuna ninyo aduna pa kitay igong panahon, gusto kong isulti kaninyo kon giunsa namong paghisgot niana. Puede ra ba, mga igsoon, sa pipila lang ka minuto? [Ang mga ministro nagaingon, “Padayon. Oo.”—Ed.] Igsoon, Igsoong Ness ug sila . . . Sige. Ug kini tingali mahimong usa ka diyutay nga motabang kaninyo. Motabang kini kaninyo sa pagsabot, medyo.

<sup>88</sup> Akong nahisulat, dinhi, ang pipila sa mga butang nga akong nahinumdoman. Kini naggikan didto. Ug busa sila nangutana kanako, kung unsa ba gayud ang akong pagtoo mahitungod sa “trinity,” nagtoo ba ako nga adunay usa ka “trinity” sa Dios?

<sup>89</sup> Karon, mga igsoon, sa dihang atong hisgotan kini, ako nagalaum nga, sa dihang kini mahuman na, nga kita mahimo sa gihapong managsoon nga mao na kita kaniadto pa. Kita n’yo? Apan gibati ko nga katungdanan ko kini kaninyo, tungod kay ang inyong mga tawo nagatambong sa akong mga panagtigum, ug siguradong dili ko buot nga ipapauli ang usa kanila, nga nabakakan.

<sup>90</sup> Ug kanunay ko nang gisulti sa mga tawo nga nagasulat kanako ug mga pangutana, nga gawas sa unsay akong ginawali sa plataporma . . . Ug ania ang akong sekretaryo, ug uban pa. Kon sila nagapangutana kanako sa pangutana, “Unsa ba ang mahitungod *niini*, o unsa na man ang mahitungod *niana*?”

<sup>91</sup> Ako miingon, “Pangutan-a ang inyong pastor, kita n’yo. Tungod kay, kon nagiyahan man niya kamo niini kalayo, hangtud inyong nadawat ang Espiritu Santo, padayon niya kamong giyahan, nakita ninyo. Kamo, kita n’yo, inyong pangutan-on ang inyong pastor.” Tungod kay, ang mga gagmay’ng butang nga ingon niana mao’y hinungdan sa kalibug, ug busa ako nagalikay niini, nakita ninyo.

<sup>92</sup> Karon, ug ako giingnan na nga ako usa—usa ka tigpamugno sa mga organisasyon. Karon, dili ako ingon-ana. Ako nagtoo nga ang mga organisasyon maayo, apan kung ang inyong sistema sa inyong organisasyon nagkadautan na, kana mao kon unsay akong gikasupakan. Kita n’yo? Bisan pa kon oneness kini, o—o kini trinity, o bisan unsa pa kini, ang sistema; nga sa dihang kamo nagakahiabot na sa usa ka punto, kamo karon . . . ug nagaingon, “Kami ang Assemblies of God.”

“Bueno, kinsa na man kanang diha sa tabok sa dalan?”

<sup>93</sup> “Oh, kana among mga kaigsoonan. Sila mao’y—sila gitawag nga United Pentecostal.”

“Bueno, kinsa na man kanang didto dapit?”



94 “Oh, kana mao ang mga kaigsoonan nga Foursquare. Oh, talagsaon kami nga mga magsoon. Aduna kami dakung panagkatipon, sa usag-usa.”

“Oh, pareho kamong nagatoo sa mao rang butang?” “Oh, oo, nagatoo kami.”

“Karon, bueno, unsay may nakapaingon kaninyo niini?”

95 “Bueno, *kining* mga igsoona nagapangbautismo *niining* paagiha. Ug ang *mga niini* nagapangbautismo *niining* paagiha, pinatalikod. Ug ang *mga niini* nagapangbautismo. . .”

96 Sama sa South Africa didto, igsoon, nakatagbo kami niana. Ila akong gipangutana. Ang usa ka pundok nagapangbautismo sa makatulo, paatubang. Ug ang lain pang usa nagapangbautismo sa makatulo, nga patalikod. Ug sila miingon. . . Ako miingon, “Asa man ninyo kana nakuha?”

97 Ang usa miingon, “Sa dihang Siya namatay, ang Biblia miingon nga Siya midungo,” ug miingon, “busa ipadungo nato sila.”

98 Ug ako miingon, “Bueno,” ngadto sa laing pundok, “unsa na man ang. . . Unsa na man ang diha kaninyo?”

Miingon, “Naglubong na ba mog usa ka tawo nga pinakulob?”

99 Bueno, ug nahibalo ba mo? Sila nagkabalugbulag sa ilang kaugalingon ug naghimog duha ka mga pundok, duha ka mga organisasyon. O, kalooy, mga igsoon! Mao gyud kana ang gusto sa Yawa. Mao gayud kana ang iyang gusto. Oo. Dalhon ang inyong kaugalingon. . .

100 Karon, kita n’yo, dili ang Apostolic Faith Mission, o—o ang Pentecostal Assemblies man, sa pikas bahin. Dili kana. Adunay maayo kaayong mga tawo dinha sa duha ka mga pundok, sama sa ania dinhi. Apan, nakita ninyo, kini ang sistema sa maong butang.

101 Sama lang kini sa Katoliko, sa kanunay ko nang giingon. Kon siya usa ka Katoliko, ug nagasalig kang Cristo alang sa kaluwasan, siya luwas. Sigurado, kana tinuod. Kon siya nagasalig sa iglesia, siya nahisalaag. Ug ang bisan kinsa kaninyong mga kaigsoonan sa pentecostal nasayud, kon kita nagasalig ngadto sa iglesiang pentecostal nga moluwas kanato, “kita, sa tanang mga tawo, ang pinakamakalulo-oy,” tinuod kana, tungod kay kita nahisalaag man. Tinuod kana.

102 Apan kon kita nagatutok ngadto kang Jesus Cristo, nan kita luwas na, “pinaagi sa imong pagtoo,” (nga, unsa man?) usa ka gihuman na nga buhat. Ug kining mga ginagmay’ng pagpaningkamot nga mga butang, ug mga marka, wala kini nakahatag ug dakung kahulugan.

103 Karon, akong giingnan si Igsoong Scism, kang...ug si Igsoong Ness, “Sa pagtubag sa inyong pangutana,” ako miingon, “karon, dili ako nagadapig bisag kinsa kaninyo mga igsoon. Ug ako nasayud, nga samtang kamo nagsige ug lalis, pareho kamong sayup. Kita n’yo? Tungod kay, mas gusto ko pa nga mahimong sayup sa akong doktrina, ug tarung sa akong kasingkasing, kay sa mahimong husto sa akong doktrina, ug sayup sa akong kasingkasing.” Kita n’yo? Ako miingon, “Ang mahinungdanon, mao ang kahintang sa inyong kasingkasing.”

104 Ug akong gihimo na kana nga batasan, sa paghibalo niini: nga, kon ang usa ka tawo, bisan pa kon unsay iyang ginahimo, ug unsa man siya kadili-nahiuyon, ug kon unsa may iyang ginasulti bahin kanako; kung sa akong kasingkasing, dili nga tungod lang sa katungdanan, apan gikan sa akong kasingkasing dili ko mahimong higugmaon kanang tawhana pareho sa paghigugma ko sa uban pa nga tawo, nan masayran ko nga adunay butang sa sulod dinhi nga sayup, kita n’yo. Tinuod kana, tungod kay, kini mao—kini . . . walay sapayan kon siya . . .

105 Usa ka gamay nga igsoong lalaki mianhi, dili pa dugay, usa ka gamay’ng igsoon nga Church of Christ. Ug, oh, mitindog siya didto, ug siya miingon, “Kining tawhana usa ka yawa.” Kita n’yo? Siya miingon, “Siya nagahisgot mahitungod sa Espiritu Santo.” Miingon siya, “Walay may nianang butanga. Sila, bueno, ang dose lang ka mga apostoles mao’y nakadawat sa Espiritu Santo. Ug—ug ang Balaanong pagpang-ayo gihatag lang niadtong maong dose ka mga apostoles.” Ug mipadayon, halos tunga sa oras.

106 Ug ako miingon, “Kadali lang, igsoon. Siguro angay gayud nga hatagan mo ako ug usa ka higayon sa pagpanalipod Niini, kita mo.” Ako miingon, “Miingon ka nga misulti ka kon diin nagsulti ang Biblia, ug naghilum kon diin Kini hilum.”

Ug siya miingon, “Ingon ana kami.”

107 Ako miingon, “Karon, miingon ka nga aduna lamay dose ka mga apostoles ang nakadawat sa Espiritu Santo. Ang Biblia miingon, ‘Adunay usa ka gatus ug bayente sa maong itaas lawak sa dihang mikunsad ang Espiritu Santo, mga kababayan-an ug tanan na.’ Ug mahimo mo bang isulti kanako, nagahunahuna ka ba nga si Pablo wala nakadawat sa Espiritu Santo? Ug iya Kining nadawat sa taas nang panahon human niana, kita n’yo. Ug miingon ikaw, ‘Ang gasa sa pagpang-ayo gihatag lang ngadto sa dose ka mga apostoles.’ Ug si Esteban milugsong, pipila ka adlaw human niadto, ug dili kato siya usa sa dose. Dili gani kato siya usa ka magwawali. Usa siya ka diyakono, ug miadto sa Samaria ug nagpagula sa mga yawa.” Ug ako miingon, “Oh, igsoon!” Hilabihan kahilum lagi mismo dinhi, oo, diin kinahanglan siyang mohilum niini.

108 Ug human nga kini natapus, “Apan,” miingon ko, “Ginapasaylo ko ikaw sa pagtawag mo kanako’g yawa, kay ako nasayud nga kana wala nimo tuyoa.”

109 Ug unya sa dihang siya natapus na, mitindog siya. Giingon niya, “Usa lang ka butang ang masulti ko. Aduna kay Espiritu ni Cristo.”

110 Miingon ko, “Karon, igsoon, kang kinsa man ako, usa ka yawa o kang Cristo?” Kita n’yo? Kita n’yo?

111 Apan sultihan ko kamo, kita n’yo, tungod nga ang maong tawo, masulti niya nga ako siyang gihigugma; bisan pa nga, siya nakigsupak, ug ngilngig nga nagapakigsupak ug nagapanaway. Siya . . .

112 Usa ako ka mangangayam, ug nauban ang mga mananap nga ihalas, sa tibuok kong kinabuhi. Ug nasulti sa mga tawo, “Kon giunsa . . .” Niadtong higayon sa dihang akong gikinahanglan patyon kadtong oso, pinaagi sa kutsilyo, kita n’yo. Miingon, “Wala ka ba mahadlok kaniya?”

113 Ako miingon, “Wala. Kon ako nahadlok pa kaniya, siya mopatay kanako, kita n’yo.”

114 Apan, kita n’yo, dili ninyo—dili ninyo sila mahadlokhadlok. Sila nahibalo kon kamo nahadlok kanila, o dili. Pagmahadlok ka sa usa ka kabayo, ug pagbantay kon unsay himoon sa usa ka kabayo, iya kang pagatamakan. Kita n’yo? Busa kon kamo nahadlok . . . Dili ninyo malimbong kini. Kinahanglan gayud nga aduna kamo niini.

Ug ingon niana kini diha kang Satanas.

115 Ingon niana kini diha sa mga tawo. Nahigugma gayud kamo sa mga tawo. Dili mo gayud kini mapaaron-aron. Kinahanglan gayud nga aduna kamo niini, kondili ang inyong tinuod madayag ra kon diin man, kita n’yo. Husto kana. Kamo kinahanglan sa tinud-anay nahigugma sa mga tawo, ug ilang mahibaloan nga kamo nahigugma kanila. Kita n’yo, adunay butang gayud bahin niini.

116 Ug ang maong tawo karon, mitawag sa akong asawa, pipila na ka adlaw ang nanglabay, ug nagaingon, “Anaa ba dinha si Igsoong Branham?”

Miingon, “Wala man.”

117 Miiingon, “Bueno, usa ka butang lang ang kinahanglan kong isulti. Wala ako miuyon kaniya, sa teolohiya, apan akong maingon nga siya usa ka alagad ni Cristo.”

118 Bueno, dayon, ug kadto sa wala pa ako mibiya, mipadala siya’g sulat kanako, ug siya miingon, “Moanha ako, dihadiha pagbalik nimo. Gusto ko kana’ng bautismo sa Espiritu Santo nga imong gihisgotan.”

<sup>119</sup> Busa, inyong nakita, kon asa gayud ang naa sa imo . . . Kon atua pa kanako kanang pagbati, sa pagsulti, “Aba, wala gayud diha kaninyo. Ang karaan ninyong denominasyon dili maayo, ug—ug kamong tanan nga mga tawo sa Church of Christ dili maayo. Wala kamoy pulos. Kamoy mga—kamo’y mga dautan.” Wala ko gayud unta nakabig katong tawhana. Ug kon gisuginlan ko man siya nga ako nahigugma kaniya, ug dili kini tinuod sa akong kasingkasing, labaw pa unta niya kining nasayran. Mao lang gayud kana. Kinahanglan nga tinuod kini diha sa inyong kasingkasing.

<sup>120</sup> Ug mao kadto sa mga gabii sa dihang ako paadto na niadtong plataporma, ilalum nianang pag-ila, kita n’yo. Wala na ako nagahunahuna bahin niini. Wala na ako nagakaon, gikan pa sa panahon sa pagkaon; ug nagapuasa ug nagaampo, ug nagapabilin sulod sa maong lawak. Tungod kay, Siya nagsaad kanako nga Iya kining pagabuhaton. Ug busa ako nagaadto nga walay usa ka landong sa pagduhaduha, kay Siya nagsaad nga Iya kining buhaton. Busa, kita n’yo, ang akong . . . Nahibalo ako nga ang akong tumong mao (unsa?), ang akong katuyoan mao ang (unsa?), alang sa pagpakaylap sa Gingharian sa Dios.

<sup>121</sup> Kon ang usa ka tawo paingon *niini*, paingon *niana*, bisan unsa pang iglesiang iyang ginaadtoan; samtang siya nagaduol lang ngadto kang Cristo, wala kini pagsapayan alang kanako. Ug mao kanang ania sa akong kasingkasing. Kita n’yo? Ug bisan pa, kon kita man moadto ug mopasakup sa Church of Christ, wala kanay kabilingan kanako. Kanay maayo man. Kon siya . . . Unsa man nga iglesia siya nagapahisakup, dili ko kini igsapayan. Basta nakabig ko lang ang iyang kalag kang Cristo, mao ang mahinungdanong butang.

<sup>122</sup> Busa miingon ko, “Igsoong Ness, dili sa pagpakalahi . . .” Karon akong . . . Puede ra bang gamiton *kini*, igsoon? [Ang Igsoon nagaingon, “Sigurado.”—Ed.] Ako miingon, “Gusto kong isulti ug ipasabot.” Ug, dinhi, tingali isulti ko kaninyo dinhi mga igsoon. Karon, ayaw’g hisgoti kini taliwala sa inyong mga kongregasyon. Kon inyo man, ug tabangi ko ninyo, itugot lang—lang—lang nga ako inyo lang igsoon, Nakita n’yo? Ug ako, ug kon—kon ako sayup man, nan pasayloon ko ninyo. Apan gusto kong ipasabot kaninyo, ingon nga aduna ang maong duha ka mga pundok nga nagatambong dinhi niining buntaga, nga pareho ang Oneness ug ang—ang Assemblies, usab, ug ang pagtoo sa trinity.

<sup>123</sup> Karon gusto kong buhaton kining pagpahayag. Gusto kong isulti nga ako nagatoo nga ang duha ka bahin pareho sayup, samtang nga sila padayong nagalantugiyay sa usa’g-usa, tungod kay ang ilang mga tumong sayup. Ug samtang nga ang inyong mga tumong sayup; bisan pa kon unsa may inyong katuyoan, apan ang inyong mga tumong nianang katuyoan sayup, nan dili gayud kini magpulos. Tinuod kana.

124 Karon, dunay mga tawong nag-ingon, “Igsoong Branham, ikaw usa ka Jesus Only.” Buut kong isulti nga kana sayup. Dili ako usa ka Jesus Only.

125 Adunay nagaingon, “Igsoong Branham, trinitarian ka ba?” Dili, sir. Dili ako usa ka trinitarian. Usa ako ka Cristohanon. Kita n’yo? Ako—ako—ako dili. . . Ang pulong trinitarian wala gani mahisgoti sa Biblia, ang pulong nga “trinity.” Ug dili ako nagatoo nga adunay tulo ka nagtagsa-tagsa nga mga Dios.

126 Ako nagatoo nga adunay usa ka Dios diha sa tulo ka mga katungdanan; Amahan, Anak, Espiritu Santo. Mao kana ang tukmang hinungdan nga kita gisugo pagpangbautismo sa Ngalan sa Amahan, Anak, Espiritu Santo. Ako nagatoo nga kini mao’y pagpakaubos sa Dios, pagkanaug.

127 Karon, ang Dios, sa una Niyang pagpadayag ngadto sa tawo, Siya anaa sa porma sa Haliging Kalayo. Nagatoo kamo niana, dili ba? Ang. . . Si bisan kinsang magbabasa sa Biblia nga nahibalo nga ang Haliging Kalayo nga atua didto sa kamingawan mao ang Logos, nga mao kadto ang Manulonda sa Pakigsaad, nga mao si Cristo.

128 Tungod kay, Siya miingon. . . Siya kaniadto mao. . . Dili kadto Kini. . . Ako nagtoo nga kini anaa sa San Juan 6 diha, Siya miingon, “Sa wala pa si Abraham,” nga “MAO NA AKO.” Siya ang “MAO NA AKO.”

129 Busa, mao kadto ang Dios, balaan; bisan pa gani ang usa ka tawo nga makatunob sa maong bukid, mamatay gayud siya, kita n’yo. Bueno. Karon, kanang mao ra nga Dios naninguha pagbalik sa Iyang Kaugalingon ngadto sa Iyang binuhat nga Iyang gibuhat. Karon, dili Siya makaduol kanila, tungod kay sila makasasala, ug ang dugo sa mga kanding ug mga carnero wala gayud nakatangtang sa sala. Nasayud kita niana. Nagtabon lang kini sa sala.

130 Karon, apan bisan pa ang kanang mao ra nga Dios nga mao ang Haligi nga Kalayo, nahimo Siyang unod, pinaagi sa Iyang Anak, ug mipuyo sa usa ka lawas nga gitawag ug Ginoong Jesus Cristo. Ang Biblia miingon, “Diha Kaniya nagapuyo sa pagkalawas ang bug-os kinatibuk-an sa Pagka-Dios.” Ug si Jesus miingon diha sa. . . Bueno, sa Unang Timoteo 3:16, “Dili malalis, daku gayud ang tinago sa pagkabalaan.” Ug kon sila makatawag niini nga daku, aba, unsa bay atong pagahimoon, Kita n’yo? “Daku kaayo ang tinago sa Dios, kay ang Dios nadayag diha sa unod, ug nakita sa mga manulonda, ug gibayaw ngadto sa Himaya,” ug uban pa. Karon, ug Iyang giingon sa San Juan 14, ngadto kang Tomas, “Sa dihang ikaw nakakita Kanako, nakakita ka sa Amahan. Ug naunsa bang miingon man ikaw, ‘Ipakita kanamo ang Amahan?’” Ang Biblia miingon, nga, “Diha ang Dios kang Cristo, nga nagapasig-uli sa kalibutan ngadto sa Iyang Kaugalingon.”

131 Karon, ang Dios dili gayud mamahimong tulo ka mga persona, tulo ka mga Dios. Ni si Jesus nga mamahimong Iyang Kaugalingong Amahan, diha sa usa. Kita n'yo? Busa, nakita ninyo, ginahimo kini nga parehong hilabihan ka sayup.

132 Karon, ug karon kon inyong mamatikdan, walay dapit nga . . . Kon aduna pa kitay tulo ka mga Dios, kita mga pagano. Karon, kita nasayud niana.

133 Sama sa Judeo nga miingon kanako usa ka higayon, sa dihang ako nagapakighinabi kaniya, miingon, "Hain man sa usa kanila ang imong Dios? Hain man sa usa ang imong Dios; ang Amahan, ang Anak, o ang Espiritu Santo? Hain man ang usa nga imo?"

Ug ako miingon, "Aba, walay tulo ka mga Dios."

134 Siya miingon, "Dili mo magutad-gutad ang Dios sa tulo ka buok ug ihatag Siya sa usa ka Judeo."

Ako miingon, "Dili, sir." Giingon ko . . .

135 Sa dihang si John Rhyn naayo sa pagkabuta, didto sa Fort Wayne, nahibalo na mo; ug kining rabi nga atua didto sa Mishawa- . . . o ngadto sa Fort . . . Benton Harbor. Siya miingon, "Dili nimo magutad ang Dios sa tulo ka buok ug ihatag Siya ngadto sa usa ka Judeo."

136 Miingon ko, "Dili gayud. Dili ko man." Ako miingon, "Rabi, malisod ba alang kanimo ang pagtoo sa mga propeta?"

Siya miingon, "Dili."

137 Miingon ko, "Diha sa Isaias 9:6, kinsa ba ang iyang ginahisgotan, 'Alang kanato ang Usa ka Bata natawo, usa ka Anak nga lalaki gihatag, pagatawgon nga Magtatambag, Dios nga Makagagahum, Principe sa Pakigdait?'"

Miingon siya, "Mao kadto ang Mesias."

Ako miingon, "Dayon, rabi, unsa may mamahimong relasyon sa Mesias ngadto sa Dios?"

Miingon siya, "Siya mao ang Dios."

138 "Mao kana kon unsa ang hunahuna ko." Kita n'yo? Karon, nakita ninyo, tinuod gyud kana. Mao kana kon unsa Siya. Ug busa ako miingon, "Sultihi ako karon kon diin si Jesus napakyas sa pagtuman sa kon unsa ang giingon mismo sa propeta nga Iyang pagabuhaton." Ug siya misugod sa paghilak ug milakaw sa palibot. Miingon ko, "Pinaagi Niana, si John Rhyn makakita na." Kita n'yo?

Ug siya miingon, "Halayo ra niini sa usa ka Dios nga adunay usa ka anak!"

139 Ako miingon, "Ang dakung Jehova gilandungang ang usa ka babaye, ingon sa gisulti sa propeta nga Iyang pagabuhaton, ug mihimo sa usa ka selula sa Dugo. Ug pinaagi nianang selula sa Dugo mao'y gigawasan sa lawas ni Cristo."

140 “Tan-awa, diha sa Daang Tugon, Rabi,” miingon ko, “kon ang usa ka tawo moadto aron paghimo sa usa ka halad, iyang gikuha ang usa ka carnero. Siya nahibalo nga iyang nalapas ang mga sugo sa Dios, busa mikuha siyag usa ka carnero. Misugid siya sa iyang mga sala, ug kining maong carnero gipatay. Samtang ang . . . iyang mga kamot ingon nga anaa ibabaw sa carnero; ang iyang pagsugid nga siya nahibalo nga siya kinahanglan mamatay tungod sa iyang sala, apan ang carnero mao ang nagapuli sa iyang dapit. Ug ang selula sa dugo mibuhagay; ug iyang gikuptan ang nating carnero sa iyang kamot hangtud iyang gibati kining gamay’ng kinabuhi nga nagagawas niini, ug nagkatuskig na. Dayon ang sacerdote, sigurado, miitsa sa dugo ngadto sa—ngadto sa kalayo, ang tumbagang halaran sa paghukom.”

141 Dayon ako miingon, “Kanang tawhana, dayon, siya migawas didto, nahibalo nga ang carnero mao’y mipuli na sa iyang dapit, apan siya migawas uban pa ang mao gihapong kailibgon nga atua na kaniya sa dihang siya misulod, kita n’yo, tungod kay dili kadto makatangtang sa sala. Kita n’yo? Apan, human niadto, niining bahina, ‘Ang magsisimba sa makausa nahinloan na, wala nay pagkahimuot pa sa sala.’ Kaniadto, adunay paghalad nga gihimo kada tuig. Apan,” miingon ko, “karon aduna nay niining panahon, ‘ang magsisimba sa makausa nahinloan na, wala nay pagkahimuot pa sa sala.’ Tungod kay . . .”

142 “Tan-awa, Rabi. Sa hemoglobin, kanang gamay’ng kinabuhi nga nagasugod diha sa selula, nga kini nagagikan sa lalaki, ngadto sa babaye. Ug ang babaye mao’y nagapagawas sa itlog; apan, ang usa ka himungaan makapangitlog, apan kon kini walay sunoy, dili gayud kini makapiso.”

143 Ug ako miingon, “Dayon ang Dios, ang pinakadaku nga mipuno sa tanang panahon ug kawanangan, nahimong usa ka dyutay’ng binhi ngadto sa taguangkan sa usa ka babaye.” Ug dayon ako miingon, “Kon kita naluwas karon . . . Si Jesus dili Judeo ni Gentil, tungod kay ang itlog mihimo lang sa maong lawas. Ang Dugo mao’y adunay Kinabuhi. Busa kita—kita . . . Ang Biblia miingon, ‘Kita giluwat pinaagi sa Dugo sa Dios.’ Kita n’yo, Dili Siya Judeo ni Gentil man; Siyay Dios. Busa, sa dihang kita nagaduol sa altar ug nagabutang sa atong mga kamot, pinaagi sa pagtoo, ibabaw sa Iyang ulo, ug bation ang pagdughang ug ang pagtinga sa Kalbaryo, ug nagasugid sa atong mga sala, nga kita sad-an, ug Siya nagpakamatay puli diha sa atong dapit!”

144 “Mao nga, imong makita,” ingon ko, “ang dugo niadtong carnero dili makahimo pagbalik niini, ang dugo nga . . . Ang selula mibuhagay, ug ang kinabuhi nga napagawas, sa pagpabuhagay niining selula sa dugo sa carnero, dili makabalik ngadto sa maong magsisimba, tungod kay usa kadto ka kinabuhi sa mananap, ug dili kini mosibu sa tawhanong kinabuhi.”

<sup>145</sup> “Apan niining higayona, sa diha nga ang selula sa Dugo napabuhagay, dili lang kadto tawo. Mao kadto’y Kinabuhi sa Dios, nga napagawas. Ug sa diha nga ang magsisimba nagapatong sa iyang mga kamot, pinaagi sa pagtoo, diha sa Anak sa Dios, ug nagasugid sa iyang mga sala; dili ang kinabuhi sa laing tawo, apan ang Kinabuhi sa Dios mao’y nagabalik niining tawhana, nga mao ang Kanabuhi nga Walay Katapusan. Ang pulong Zoe, nga ang hubad, ‘Ang Kaugalingong Kinabuhi sa Dios.’ Ug Siya miingon nga pagahatagan kita Niya ug Zoe, Kinabuhi nga Walay Katapusan, ug kita karon mga anak na nga mga lalaki ug mga babaye sa Dios. Tan-awa.”

<sup>146</sup> Ako miingon, “Karon unsa man kini? Kini ang Dios, nga nagapaubos. Siya mianhi, una; ‘wala gayuy tawo nga makahikap Kaniya,’ tungod kay ang tawo nakasala. Dayon mikanaug Siya sa usa ka lawas, ‘aron maagihan ang sala . . . aron tangtangan ang sala.’ Kita n’yo, Siya, ang maong bugtong butang nga mabuhat sa Dios, nga mahimong matarung, mao ang paghimo niini nianang paagiha.”

<sup>147</sup> Pananglitan, unsa kaha kon ako adunay gahum sa mga tumatambong niining buntaga, sama nga aduna ang Dios ibabaw sa tawhanong kaliwatan, ug ako miingon, “Ang unang tawo nga motan-aw nianang haligi, mamatay,” ug si Tommy Hicks nagtan-aw niini? Karon, pananglitan, kuhaon ko si Carl- . . . “Igsoong Carlson, mamatay ka alang kaniya.” Dili mahimong matarung kana. Ingnon ko, “Leo, ikaw ang akong sekretaryo; ikaw mamatay alang kaniya.” Dili mahimong matarung kana. “Billy Paul, akong anak, mamatay ka alang kaniya.” Dili kana matarung. Ang bugtong paagi nga mahimo akong matarung, mao’y pagpuli kaniya sa ako mismong kaugalingon.

<sup>148</sup> Ug mao kana ang gibuhat sa Dios. Siya, ang Dios, usa ka Espiritu. Ug Siya nagbuhat. . . Siya, Iyang giusab ang Iyang porma. Angay kini nga makapahibulong, ngadto sa mga tawo, sa paghunahuna sa gamay’ng Jehova. Mahimo Niya unta ang pag-anhi, nga usa na ka hamtong nga tawo, apan Siya miabot ngadto sa usa ka pasungan, ibabaw sa hugaw’ng nagkatipun-og. Ang gamay’ng Jehova, nagahilak sama sa usa ka bata. Ang gamay’ng Jehova, nagadula sama sa usa ka bata. Ang gamay’ng Jehova, nagapamanday, sama sa usa ka mamomoo. Ang gamay’ng Jehova, diha sa pagkabatan-on. Si Jehova, nagbitay taliwala sa mga langit ug yuta, nga may laway gikan sa naglaway nga palahubog ug luwa sa mga sundalo sa Iyang nawong. Si Jehova, himalatyon na tungod sa Iyang mga anak. Si Jehova, himalatyon na, aron sa pagtubos; dili ubang tawo, apan ang Dios Mismo! Kita n’yo, ang Dios, mao kadto’y Iyang katungdanan. Ngano man? Siya nagapaninguha pagbalik ngadto sa kasingkasing sa tawo.



149 Karon, dili kita makahikap Kaniya, *Kaniadto*. Karon, nabati nato Siya diha sa atong mga kamot. Karon unsa may Iyang gibuhat, pinaagi sa paghalad nianang lawasa? Siya nahimong Jehova sa *sulod* kanato. Kita mga kabahin Niya. Niadtong adlaw sa Pentecostes, ang Haliging Kalayo gibahinbahin ang Iyang Kaugalingon, ug ang mga dila nga Kalayo mipahiluna sa matag-usa, nagapakita nga ang Dios nagbahinbahin sa Iyang Kaugalingon taliwala sa Iyang Iglesia.

150 Mao nga, mga igsoon, kung magkatipon lang kita, ug dalhon Kana pagtipon! Nan anaa kanato si Jehova diha sa bug-os kinatibuk-an, sa dihang magkatipon kita. Apan unsaon ba nato, sa dihang *kining* usa nagapanulti'g mga dila ug naangkon ang bautismo, ang *kining* usa; ug dayon ginapapadayon *kining* dila nga Kalayo dinhing dapita, ug sa usa *niini*? Tipunon nato Kining tanan.

151 Sa diha ang Dios, sa adlaw sa Pentecostes, mikanaug, ug ang Biblia miingon, “Mga Dila sa Kalayo mipatong sa matag-usa kanila.” Ug sila . . . “Mga dila, nga daw Kalayo,” mga dila. Kadto mao ang Haligi nga Kalayo nga mibulagbulag sa Iyang Kaugalingon ug mibahinbahin sa Iyang Kaugalingon, sa mga tawo, aron nga mahimo kitang mga magsoon. “Nianang adlawa inyong masuta nga Ako anaa sa Amahan, ang Amahan ania Kanako; Ako ania Kanako, ug kamo ania Kanako.” Ug, kita, usa ra kita. Usa ra kita, dili nagkabulagbulag.

152 Karon, si Jehova nga Dios, sa ibabaw *Dinhi*, dili mahikap ang tawhanong kaliwatan, tungod sa Iyang Kaugalingong balaod sa pagkabalaan; si Jehova nga Dios nahimong sala alang kanato, ug gibayaran ang bili; aron nga ang mao rang Jehova nga Dios makaanhi ug makapuyo *sulod* kanato. Ang Dios *ibabaw* kanato; ang Dios *uban* kanato; ang Dios *sulod* kanato. Dili tulo ka mga Dios; usa ka Dios! Ang mga propesor nangalibog, sa pagpaningkamot pagsabut Niini. Kini—kini usa ka pinadayag. Kini kinahanglan nga mapadayag kaninyo.

153 Karon, karon, sa dihang pagahisgotan na ang bautismo, karon, daghang mga tawo . . . Karon, kinahanglan nga buhaton ninyo kana, mga kaigsoonan. O, sama kini sa akong giingon kang Igsoong Scism ug kang Igsoong Ness, nga kon kamo . . . Ang—ang maong panaglalis mitungha. Ug bisan kinsa, daghan kaninyo nga mga makinaadmanon dinhi labaw pang may ikasarang kay kanako; apan daghan akong nahimong pagtuon sa maong hisgotanan. Ug akong nabasa ang Pre-Nicene Fathers, ang Nicene Council, ug ang tanang mga magsasaysay, ug uban pa.

154 Kanang maong hilisgutan mitungha sa Nicene Council. Ang duha ka bahin mipaingon sa pagkabihin; sa dihang gibarugan sa Katoliko nga iglesia ang kinatumyan nga trinitarian, ug ang laing usa mipaingon ngadto sa unitarian, ug ang duha pulos

nahigawas. Tukma gayud, tungod kay ang mga tawo adunay pagpasilabot niini.

<sup>155</sup> Kinahanglan inyong tugotan ang Dios sa paghimo niini, wala na kinahanglana kanato nga hubaron pa kini. Magmanagsoon kita. Magpadayon lang ta ug tugotan ang Dios pagbuhat sa butang nga Iyang pagabuhaton. Kon Siya man walay kinutuban ug nahibalo sa tanang mga butang, ug gitagna na ang katapusan gikan sa kinasugdanan, unsaon pa man nato paghimo ug bisan unsang butang mahitungod niini? Magpadayon lang. Mao kanay pamaagi. Pagsubay sa pagtikang, sumala sa giingon ko na kagabii, uban sa atong gamhanan nga Josue.

<sup>156</sup> Karon tan-awa, kon aduna may tulo ka mga Dios... Gusto ko lang ipakita kaninyo kon unsa kini ka kataw-anan. Kon aduna may tulo ka mga Dios, nan si Jesus mao nay Iyang Kaugalingong Ama-. . . Si Jesus dili mamahimong Iyang Kaugalingong Amahan, ingon nga usa. Ug, kon aduna may tulo, wala Siya matawo sa usa ka ulay nga pagpakatawo. Karon pila ba. . . [Si Igsoong Branham nagahulagway, nga nagagamit sa tulo ka mga butang—Ed.] Ingon ko nga *kini* ang Dios nga Amahan; ug *kini* ang Dios nga Anak; ug *kini* ang Dios nga Espiritu Santo.

<sup>157</sup> Karon, kaninyo nga mga nagkalainlaing kaigsoonan dinhi, tan-awa ninyo kini sa kadali lang ug inyong makita kon unsang tumong ang akong ginapaninguha pagpasabot. Akong ginapangamuyo nga tugotan sa Dios nga inyong makita kini. Karon, tan-awa, pareho kamong nagatoo sa mao rang butang, apan ang Yawa mao'y nagpatunga lang kaninyo ug nagpabulag kaninyo mahitungod niini. Kini pareho ra gayud nga butang, ug pamatud-an ko kini kaninyo, sa tabang sa Dios, ug sa Biblia sa Dios. Kon kini dili ang sa Biblia, nan ayaw dawata kini. Tinuod kana.

<sup>158</sup> Apan karon tan-awa. [Si Igsoong Branham nagahulagway, nga nagagamit sa tulo ka mga butang—Ed.] *Kini* (unsa?) ang Dios nga Amahan; *kini* ang Dios nga Anak; *kini* ang Dios nga Espiritu Santo. Bueno, karon, honungan nato karon sa makadiyut lang, nga ginapahimutang kanang tulo dinha; ang Dios nga Amahan, Anak, ug Espiritu Santo.

<sup>159</sup> Oh, akoy—ako wala nay panahon sa paghimo pa niini. Akong. . . [Ang mga kaigsoonan nagaingon, “Padayon! Padayon!”—Ed.] Apan, kita n’yo, bueno, dalion ko kutob sa akong mahimo. Pasayloa ko, akong mga igsoon, apan ako—ako—ako wala pa gayud nakapaghinabi kaninyo, ug akong—gusto kong buhaton kini.

<sup>160</sup> Ug unya, tan-awa; ang Dios nga Amahan, ang Anak, ang Espiritu Santo. Karon, Kinsa man ang Amahan ni Jesus Cristo? Ang Dios mao ang Amahan ni Jesus Cristo. Kitang tanan

nagatoo niana. Husto ba kana? [Ang kongregasyon nagaingon, “Amen.”—Ed.] Sige.

<sup>161</sup> Karon, kon atong paklion sa Mateo 28:19, sa dihang si Jesus miingon, “Busa panglakaw kamo, himoa ninyong mga tinun-an ang tanang kanasuran, sa pagpangbautismo kanila sa Ngalan sa Amahan, Anak, Espiritu Santo.” Napulo ka adlaw human niadto, si Pedro miingon, “Paghinulsol, ug magpabautismo sa Ngalan ni Ginoong Jesus Cristo.” Adunay deretso nga pagkasumpaki sa usa ka bahin. Karon, dili nato...adunay usa ka...

<sup>162</sup> Ang tanan mipamatuod, ug mga butang. Ania na. Ania ang akong pagtoo, ug ako lang ginapahimutang diha sa inyong atubangan, mga kaigsoonan. Dili ko kini ginasulti diha sa mga pulpito; anaa ra kini diha kaninyo. Apan gusto ko nga ipahayag kaninyo kon unsay akong makita diha sa duha ka bahin, aron ang Balaang Espiritu igapadayag kini diha kaninyo, kita n’yo.

<sup>163</sup> Karon, ang Mateo 28:19, ug kon—kon ang Mateo 28:19 nakasumpaki man sa Mga Buhat 2:38, nan adunay pagkasumpakiay diha sa Biblia, ug Kini walay kapuslanang papel nga nahisulatan Niini.

<sup>164</sup> Karon kon inyong mamatikdan diha sa Mateo sa ika-16 nga kapitulo, si Jesus mihatag kang Pedro sa pinadayag, ug mihatag kaniya sa mga yawi.

<sup>165</sup> Karon, hinumdomi, ang Biblia dili nahipadayag pinaagi sa teolohiya sa pipila ka gihimong sistema sa tawo. Dili. Usa Kini ka pinadayag.

<sup>166</sup> Usa Kadto ka pinadayag, sa sinugdan pa. Nganong si Abel mihalad man ngadto sa Dios ug usa ka labaw’ng maayo nga halad kay kang Cain? “Gipadayag man Kini ngadto kaniya,” nga kadto dili mao’y pinaagi sa mga melokoton, ug mga mansanas, ug mga orange, ug mga mansanas. Kon ang mansanas mao ang makapaamgo sa kababayan-an nga sila hubo, maayo pang manghatag ta ug mga mansanas pag-usab, igsoon. Dili ba mao pud inyong hunahuna? Karon, kana, kana daw sa mapasipadon, apan dili nga mao kana ang akong pasabut. Apan, dili kadto mga mansanas. Dili, sir. Karon, kon kana mao man, nan, “Gikapadayag Kini ngadto kang Abel,” nga siya mao ang dugo sa iyang amahan. Busa mihalad siyag dugo, kay usa kato ka pinadayag. Ang kinatibuk-ang butang natukod diha niana.

<sup>167</sup> Karon tan-awa, ania ang usa ka walay hibangkaagan nga mananagat, wala gani igo nga edukasyon... Ang Biblia miingon nga siya ignoranti ug walay kahibalo. Apan siya nagatindog didto, ug si Jesus nangutana sa usa ka pangutana, “Unsa may inyong sulti nga kinsa man Ako nga Anak sa tawo?”

<sup>168</sup> Ang usa miingon, “Aba, Ikaw—Ikaw si Mois-...” O, “Sila—sila nagaingon, ‘Ikaw mao si Moises.’”

“Kinsa man sumala kanila, ilang ginaingon nga Ako?”

Ang usa miingon, “Aba, Ikaw si Jeremias o ang mga propeta, ug *kini, kana, o nga uban pa.*”

<sup>169</sup> Miingon Siya, “Dili kana mao ang pangutana. Akoy nangutana *kaninyo*. Unsa may inyong sulti kung Kinsa man Ako?”

<sup>170</sup> Ug si Pedro gibarugan mismo, ug miingon, “Ikaw mao ang Anak sa Dios.”

<sup>171</sup> Ug Siya miingon, “Bulahan ikaw, Simon, anak ni Jonas.” Karon bantayi. “Unod ug dugo wala kini nagpadayag kanimo, apan mao ang Akong Amahan nga anaa sa Langit.” Kita n’yo?

<sup>172</sup> Karon bantayi, karon, ang Katoliko nga iglesia nagaingon nga Iyang gitukod ang Iglesia diha kang Pedro. Sayup kana.

<sup>173</sup> Ang Protestanti nga iglesia nagaingon, “Iyang gitukod kini diha sa Iyang Kaugalingon.” Apan karon bantayi ug hibaloa, tan-awa kon kini mao ba.

<sup>174</sup> Iyang gitukod kini diha sa espirituhanong pinadayag kon Kinsa Siya, kita n’yo, tungod kay Siya miingon, “Bulahan ikaw, Simon, anak ni Jonas. Unod ug dugo wala kini nagpadayag kanimo. Sultihan Ko ikaw Simon; ibabaw niining bato” (unsang batoha? ang pinadayag) “Akong pagatukuron ang Akong Iglesia, ug ang ganghaan sa kamatayon dili makabuntog Niini.” [Si Igsoong Branham nagadukdok sa pulpito sa makatulong higayon—Ed.]

<sup>175</sup> Dayon, sa dihang si Pedro atua nagatindog sa dihang gikutlo ang Mateo 28 ug milakaw ug, napulo ka adlaw human niadto, pinaagi nianang maong pinadayag, ug nagpangbautismo diha sa Ngalan ni “Ginoong Jesus Cristo.” Ngano man nga gibuhay niya kini? Pinaagi man sa pinadayag sa Dios; ug adunay mga yawi sa Ginghamian, igsoon.

<sup>176</sup> Karon tingali makapasakit ako kaninyo sa kadali, ang usa nga bahin kaninyo, apan hunong sa kadali. Walay usa ka bahin sa Biblia diin ni bisan kinsa nga tawo nabautismohan sa Ngalan sa “Amahan, Anak, Espiritu Santo.” Walay usa ka bahin diha sa Mga Kasulatan. Ug kon aduna man, ipagawas kini. Ug kon makakaplag man kamog bisan asa diha sa balaanong kasaysayan, hangtud sa pagporma sa Katoliko nga iglesia, gusto kong ipagawas ninyo kini. Wala gayuy dapit, karon, ug mao kanay tinuod.

Apan karon sa makadiyut lang, kamong Oneness, sa pipila lang ka segundo.

<sup>177</sup> Karon, wala gayuy dapit diin... Kon aduna may tawo nga makapakita kanako ug usa ka teksto sa Kasulatan diin ang maong seremonya gigamit sa Biblia, nga “Amahan, Anak, Espiritu Santo,” ubligado kamo pagduol ug pagsulti kanako kon diin ang usa ka tawo nabautismohan nga sama niana.

178 Ug ang uban kanila nagaingon, “Bueno, dawaton ko kon unsa man ang giingon ni Jesus, dili sa kung unsay giingon ni Pedro.” Kon sila nagkasumpaki man, sa usa’g-usa, unsa na may atong pagabuhaton? Kon kining tanan dili iya sa Dios, unsa mang bahina sa Biblia ang husto?

179 Kini tanan kinahanglan magakatakdo ug magkausa, ug sa pinadayag lang sa Dios. Ang atong mga tulonghaan dili gayud motudlo niini. Kini usa ka pinadayag, nga inyo Kini kinahanglan makita.

180 Unya, kon silang duha ka mga tawo nagkasumpaki, sa usa’g-usa, nan unsa mang matanga nga Biblia ang atong ginabasa? Unsaon ko na man pagkahibalo kon ang Juan 14 bay husto, o dili? Unsaon ko man pagkahibalo kon ang Juan 3 bay husto, o dili? Unsaon, unsaon, unsaon ko man pagkahibalo? Kita n’yo?

181 Apan ang bugtong paagi nga ako makabaton ug pagtoo sa Dios, mao ang paghibalo nga kanang Biblia husto, ug toohan nga Kini husto, ug magpabilin mismo diha Niini. Bisan nga dili ko makasabut Niini, ginabayaw ko Kini, sa gihapon.

182 Apan sa dihang nagaabot kining mga panagsumpaki, nan nagaduol ako ngadto sa atubangan sa Dios, aron hibaloon. Ug ang mao ra nga manulonda nga nagatagbo kanako sa panagtigum, ug sa gabii, sa gihapon Mao rang Usa nga nagtudlo kanako Niini. Kita n’yo? Karon tan-awa kon kini mao ba, kon unsa kini karon.

183 Karon, sa Mateo 28:19, atong tan-awon sa makadali karon. Ug karon akong kuhaon ang Mga Buhat 2:38 mismo dinhi, diin si Pedro nagsulti, “Ang Ginoong Jesus Cristo.” Ug si Mateo nga miingon, “Amahan, Anak, Espiritu Santo.”

184 Karon paminaw. Siya miingon, “Bautismohi sila . . .” Dili “sa ngalan sa Amahan, sa ngalan sa Anak, sa ngalan sa Espiritu Santo.” Wala gayud Siya miingon niana. Wala’y “ngalan . . . sa ngalan . . . sa ngalan.”

185 Wala gayud Siya miingon, “Bautismohi sila sa *mga ngalan* sa Amahan, Anak, ug Espiritu Santo,” kay kini dili gani maangayon.

186 Siya miingon, “Bautismohi sila sa Ngalan (N-g-a-l-a-n) sa Amahan, Anak, ug Espiritu Santo.” Husto ba kana? [Ang kongregasyon nagaingon, “Amen.”—Ed.] “. . . sa Amahan, Anak, ug Espiritu Santo,” ang kasumpay’ng, “ug, ug, ug.”

187 Dili “mga ngalan.” Dili “sa ngalan sa Amahan, sa ngalan sa Anak, sa ngalan sa Espiritu Santo.” Dili, “sa *mga ngalan* sa Amahan, Anak, ug Espiritu Santo.” Apan, “sa Ngalan,” N-g-a-l-a-n, usa lamang, “sa Amahan, Anak, ug Espiritu Santo.” Karon, asa man sa usa kanila ang hustong ngalan nga gamiton sa pagbautismo? Usa Kini ka Ngalan. Hain man niini? Ang

“Amahan” ba ang hustong ngalan, o ang “Anak” ba ang hustong ngalan, o ang “Espiritu Santo” ba ang husto nga ngalan?

<sup>188</sup> Usa Kini ka “Ngalan,” Kon unsa man. Husto ba kana? [Ang kongregasyon nagaingon, “Amen.”—Ed.] Bueno, karon gusto kong pangutan-on kamo sa usa ka butang, kung ingon ana. Kon ang “Ngalan,” unya, kon si Jesus miingon, “bautismohi sila sa Ngalan sa Amahan, Anak, ug Espiritu . . .” Pila man ang nagatoo nga giingon kana ni Jesus? [“Amen.”] Kana mao ang Kasulatan. Kini ang Mateo 28:19, “Sa Ngalan sa Amahan, Anak . . .”

<sup>189</sup> [Nakakita si Igsoong Branham ug usa ka palinga—Ed.] May butang ba nga kita . . . Dili, kini mao’y, abe ko . . . Sige, sir. [Usa ka igsoon nagaingon, “Pasayloa ko, Igsoong Branham?”] Oo. [“Gusto ko’ng balihon kining teyp, ug gusto kong wala’y masipyat niini.”] Sige. [Blangko nga bahin sa teyp.] . . . ? . . .

<sup>190</sup> Karon, “sa Ngalan sa Amahan, Anak, ug Espiritu Santo.” Karon paminaw, mga igsoon. Wala’y ingon-nianang butang sama sa ngalan sa “Amahan,” tungod kay ang *Amahan* dili man usa ka ngalan. Usa kini ka titulo. Walay ingon-anang butang sama sa ngalan sa “Anak,” kay ang *Anak* usa ka titulo. Wala’y ingon-anang butang sama sa ngalan sa “Espiritu Santo.” Kana mao man kon unsa Siya.

<sup>191</sup> Akong ginasulti kana sa usa ka pang-ministrong pagpamahaw usa niadto ka buntag, ug ang usa ka babaye . . . Wala sa husay, siyempre, may mosamok man, sa bisan unsang butang nga sama niana. Siya miingon, “Kadali lang! Pasayloa ko!” Miingon, “Ang Espiritu Santo usa ka ngalan.”

<sup>192</sup> Ako miingon, “Mao kana kon unsa Kini. Ako usa ka tawo, apan ang akong ngalan dili “Tawo.”

<sup>193</sup> Kini mao ang Espiritu Santo. Dili kana usa ka ngalan. Mao kana kon unsa Kini. Usa Kini ka puli-ngalan, siyempre, apan dili kini usa ka . . . Kini usa—kini usa ka . . . Dili Kini usa ka ngalan.

<sup>194</sup> Karon, kon Siya miingon, “Bautismohi sila sa Ngalan sa Amahan, ug sa Anak, ug sa Espiritu Santo,” ug ni ang Amahan, Anak, o Espiritu Santo mao’y usa ka ngalan, nan unsa ba ang Ngalan? Ato gustong hibaloan.

<sup>195</sup> Karon, makuha nato kining tanan sa usa ka teksto dinhi, kon inyo lang pagabantayan ug—ug—ug mohatag ug diyutay’ng panahon, o modaginut pag diyutay’ng panahon, ang buut kong ingnon. Karon matikdi ang Mateo 28:19. Karon, dili ako nagahisgot nga . . .

<sup>196</sup> Inyong tingali, inyo na tingaling nahimo kini, pipila kaninyo nga mga igsoon nga mga babaye o mga lalaki. Tingali nakapunit na kamog usa ka libro, usa ka adlaw, ug natan-awan ang likod niini, ug giingon, “Si Juan ug si Maria nagpuyo na gayud sa kalipay human niadto.” Bueno, kinsa man si Juan ug si Maria? Unsa ba, kinsa man si Juan ug si Maria nga nagpuyo na gayud

sa kalipay human niadto? Aduna lamang usa ka paagi aron inyo gayud mahibaloan kon kinsa si Juan ug si Maria; kana, kon kini usa ka makapalibog kaninyo, baliki ug basaha ang maong libro. Husto ba kana? [Ang kongregasyon nagaingon, “Amen.”—Ed.] Baliki ang kinasugdan ug lahosang kini pagbasa, ug kini nagatug-an kaninyo kon kinsa si Juan ug si Maria.

<sup>197</sup> Bueno, kon si Jesus miingon, si Jesus Cristo nga Anak sa Dios, nga miingon, “Busa panglakaw kamo, himoa nga mga tinun-an ang tanang kanasuran, pangbautismohi sila ngadto sa Ngalan sa Amahan, Anak, ug Espiritu Santo,” ug bisan ang *Amahan, Anak*, o *Espiritu Santo* man dili ngalan. Nan, kon kini usa ka makapalibog, mas maayong balikon nato sa sugod ang maong Libro.

<sup>198</sup> Karon mobalik kita sa ika-1 nga kapitulo sa Mateo, ug magsugod kita dinha, nagahatag sa kagikanaan sa mga kaliwatan, hangtud paingon kini ngadto sa ika-18 nga bersekulo.

<sup>199</sup> Karon matikdi, karon matikdi sa makadiyut lang. [Si Igsoong Branham nagapanghulagway, nga nagagamit sa tulo ka butang—Ed.] *Kini* mao ang Amahan, diha sa akong tung bahin; *kini* sa tunga mao ang Anak; ug *kini* mao ang Espiritu Santo. Karon, *kini* mao ang Amahan ni Jesus Cristo. Husto ba kana? [Ang kongregasyon nagaingon, “Amen.”] Ang Dios mao ang Amahan ni Jesus Cristo. Kitang tanan nagatoo niana? [“Amen.”] Sige.

<sup>200</sup> Karon ang Mateo 1:18 miingon:

*Ug ang pag-anak kang Jesus Cristo nahitabo sa ingon niini nga kaagi: Sa diha nga . . . ang iyang inahan nga si Maria kaslonon pa kang Jose, sa wala pa siya . . . sila mag-usa, siya hingkaplagnan nga nagsamkon sa anak sa . . .*

<sup>201</sup> [Ang kongregasyon nagaingon, “Espiritu Santo.”—Ed.] Abe ko ang Dios mao’y Iyang Amahan.

*Ug iganak niya ang usa ka bata nga lalaki, . . . ila siyang paganganlan si JESUS: . . .*

*Ug si Jose nga iyang bana, sanglit tawo man siyang matarung, . . . dili buot magpakaulaw kaniya, apan nakahunahuna sa pagpakigbulag kaniya sa hilum.*

*Nahitabo ingon niini, sa nagpamalandong siya sa pagbuhat niini, tan-awa, usa ka manolunda sa Ginoo mitungha ngadto kaniya pinaagi sa damgo, nga nagaingon, Jose, ikaw nga anak ni David, ayaw pagpanuko sa pagpangasawa kang Maria: kay kanang iyang gisamkon gikan sa . . .*

<sup>202</sup> [Ang kongregasyon nagaingon, “Espiritu Santo.”—Ed.] Abe ko ang Dios mao’y Iyang Amahan. Karon, aduna ba Siyay duha

ka Amahan, mga kaigsoonan? [“Dili.”] Dili Niya mahimong adunay duha. Kay kon aduna pa, usa Siya ka dili-tinuod nga anak, ug unsa mang matanga sa tinoohan nga aduna kanato dinha? Kinahanglan ninyong dawaton gayud nga ang Dios nga Amahan ug ang Espiritu Santo mao ra Mismo nga Espiritu. Sigurado, mao gayud Kini. Sigurado, Kini mao ra Mismo nga Espiritu. Karon, human na kita, ug makita na kana.

*Ug igaanak niya ang usa ka bata nga lalaki, ug siya ilang paganganlan si JESUS: kay siya mao man ang magaluwas sa iyang katawhan gikan sa iyang sala.*

*...kining tanan nahitabo, aron nga kini matuman...*

<sup>203</sup> Ginakutlo ko ang Kasulatan. Kamong mga ministro nahibalo, samtang ako nagapadayon.

*...aron nga kini matuman...gisulti sa maong propeta, pinaagi sa Ginoo, nga ginaingon,*

*...usa ka birhin magasamkon, ug...magaanak ug usa ka bata, ug ilang pagatawgon ang iyang ngalan Emanuel, nga ang kahulogan,...*

<sup>204</sup> [Si igsoong Branham nagahunong. Ang kongregasyon, “Ang Dios uban kanato.”—Ed.] “Ang Dios uban kanato!” Husto ba kana? [“Amen.”]

<sup>205</sup> Nan unsa may Ngalan sa Amahan, Anak, ug Espiritu Santo? [Usa ka Igsoong lalaki nagaingon, “Jesus Cristo.”—Ed.] Bueno, mao gayud. Mao kanay hinungdan nga si Pedro nagpangbautismo kanila sa Ngalan ni “Jesus Cristo.”

<sup>206</sup> Apan, dili ko igsapayan, kon kamo man nabautismohan sa ngalan ni Rosa sa Saron, Lirio sa Kawalogan, Bitoon sa Kabuntagon, kanay mga titulo, usab. Kon ang inyong kasingkasing tarung sa atubangan sa Dios, nasayud Siya sa inyong kasingkasing.

<sup>207</sup> Apan karon, karon, napahayag ko na kana. Karon, karon ako miingon...Karon si Igsoong Scism miingon, “Karon!” Siyempre, sigurado, daw Oneness kana, gani dapig gayud siya dinha.

<sup>208</sup> Karon ako miingon, “Karon ania ang gusto kong isulti nga butang kaninyo karon.” Kita n’yo? Ako miingon, “Karon gusto kong ipamatuod kaninyo nga kining mga, duha ka lalaki, naghisgot sa mao ra’ng butang.”

<sup>209</sup> Karon, si Mateo nag-ingon, “Sa Ngalan sa Amahan.” Husto ba kana? [Ang kongregasyon nagaingon, “Amen.”—Ed.] Sige. Ug si Pedro miingon, “Sa Ngalan sa Ginoo.” Ang Mateo 28:19 miingon, “Sa Ngalan sa Amahan,” ug ang Mga Buhat 2:38 miingon, “Sa Ngalan sa Ginoo.” Si David miingon, “Ang Ginoo miingon sa akong Ginoo.” Kinsa man Kini? Ang Amahan ug ang Ginoo pareho nga Ngalan. Si David miingon, “Ang Ginoo



miingon sa akong Ginoo, ‘Lumingkod Ka sa Akong tuong kamot.’” Kita n’yo, “Sa Ngalan sa Amahan; sa Ngalan sa Ginoo.”

210 Ug si Mateo nag-ingon, “Sa Ngalan sa Anak,” ug si Pedro miingon, “Sa Ngalan ni Jesus.” Kinsa ba ang Anak? Si Jesus.

211 “Sa Ngalan sa Espiritu Santo,” kang Mateo; ug si Pedro miingon, “Sa Ngalan ni Cristo,” ang Logos.

212 *Amahan, Anak, Espiritu Santo*, “Ginoong Jesus Cristo.” Aba, kini tukma sa tukma gayud. Kita n’yo?

213 Si Igsoong Scism miingon kanako. Si Igsoong Scism, ang igsoong Oneness, miingon siya, “Igsoong Branham, husto kana, apan,” siya miingon, “kana mao *kini*.”

214 Ako miingon, “Kon ingon niana, kini mao *kana*.” Husto kana. Kita n’yo? Miingon ko, “Kon kana mao *kini*, kini mao *kana*. Busa unsa man ang inyong gikalantugian?”

215 Ako miingon, “Tugoti ko pagrekomendar kaninyo, mga igsoon. Kon ako man magabautismo ug usa ka tawo, ania kon unsa ang akong . . .”

216 Ako miingon, “Karon, ania si Dr. Ness.” Ug dunay miingon, dili pa lang dugay, kamong mga kaigsoonan, nga kamo nakaila kang Dr. Ness.

217 Bueno, akong ingnon, dinhi, si Igsoong Hicks dinhi, siya adunay usa ka . . . Sa pagtoo ko nga aduna kay Degree sa pagka-Doktor. Husto ba kana? Sige.

218 Karon ako miingon, “Kon si Dr. Ness, nagalingkod dinhi . . .” Karon ako miingon, “Kon gusto kong . . .” Karon, kon dalhon ko ang usa ka tawo ngadto sa tubig, aron sa pagbautismo kanila, akong ilhon kini sama lang sa iyang gibuhay, ako miingon, “Mga titulo kadto nga nagpahinungod ngadto sa Iyang Ngalan.”

219 Ako miingon, “Karon, ang Assembly nga mga igsoon nagagamit sa mga titulo, ug ang Oneness nga igsoon nagagamit sa Ngalan.” Ako miingon, “Karon akong pamatud-an kaninyo, nga pareho kamong sayup, ug ako husto.” Nahibalo na mo kon unsa ninyo’ng gikinahanglan . . . Aduna kay mga tawo ilalum sa ingon anang kabug-aton, aduna kay kinahanglan diyutay’ng pasiaw sa matag-karon ug unya, aron medyo sa pagpahuwas ug diyutay. Busa akong giingon, “Akong pamatud-an kaninyo nga pareho kamong sayup, ug akoy husto.”

220 Ako miingon, “Karon unsa kaha kon buut kong tamdun si Igsoong Ness, moingon ako . . .”

221 O, o ngadto kang Igsoong Hicks dinhi, kita n’yo. Moingon ko, “Hicks!” Karon, maayo bang pamation kana? Dili. Bueno, unsa man kaha kon ako moingon, “Doktor! Hoy, Dok! Unsa na man kana?” Karon, morag wala kanay pagkataha pamation, dili ba?

222 “Kon,” ako miingon, “mao kana ang ginabuhay ninyong mga Assemblies, kita n’yo. Sa dihang kamong mga Assembly nga mga

igsoon nagaingon, 'Sa ngalan sa Amahan, ug sa Anak, sa Espiritu Santo,' igo lang ninyo ginaingon, 'sa ngalan sa reverendong, doktor.'"

223 Ug ako miingon, "Dayon, kamong mga Oneness nga mga kaigsoonan, sa dihang kamo nagapangbautismo, inyong ginaingon, 'Jesus!'" Wala sila nagagamit. . .

224 Sila, ang Jesus Only, nagagamit lang sa ngalang "Jesus." Adunay daghang mga Jesus. Apan, Kini mao ang Ginoong Jesus Cristo, nakita ninyo. Adunay daghang. . . Nagapangbautismo sa ngalan nga "Jesus," sa pagkatinuod wala gayud ako nagauyon niana; walay Kasulatan. Kuhaa ninyo ang orihinal, tan-awa kon dili ba kini "Ginoong Jesus Cristo." Sa pagkatinuod, Siya mao si Ginoong Jesus Cristo. Adunay daghang mga Jesus, sa tinuod gayud. Ug ang *Cristo* mao ang "Dinihogan."

225 Ako miingon, "Karon, kon akong ingnon ang mao rang butang kang Igsoong Ness. Ingnon ko, husto ba kaha dunggon alang kanako sa pag-ingon, 'Hoy, Ness!'" Giingon ko, "Ingon niana kamong mga Oneness moingon niini. Kita n'yo? Dili ba kana usa ka walay-pagkataha nga pagpanumbaling alang nianang tawhana nga nagtuon, ug siya nakabaton ug usa ka Degree sa pagka-Doktor? Kon siya nagtuon ug maayo alang niana, angay siyang pagatitulohan nga ingon niana."

226 Ug akong giingon, "Dayon kon ako miingon, 'Hoy, Dok!'" giingon ko, "Dili ba walay-pagkataha paminawon, alang sa usa ka ministro sa pagpahinungod ngadto sa laing usa?" O, akong giingon, "Ingon anang pamaagi gayud ninyo kining ginahimo, ang bahin lamang sa titulo."

227 Apan akong giingon, "Sa dihang akong ginadala ang usa ka tawo ngadto sa tubig; ako nagaadto didto ug ginapangutana siya, ug nagapakig-estorya, ug ginakuha ang iyang ngalan ug kung kinsa man siya, ug ang iyang pagtoo."

228 "Dayon ako nagaampo, ug nagaingon, 'Karon, Amahan, ingon nga Imo kaming gisugo sa "pagpanglakaw ngadto sa tibuok kalibutan ug himoong mga tinun-an ang tanang kanasuran, . . ."' Kamong mga kaigsoonan nahibalo nga mao kana ang orihinal, kita n'yo. "' . . .himoang mga tinun-an ang tanang kanasuran, bautismohi sila sa Ngalan sa Amahan, ug sa anak, ug sa Espiritu Santo; tudloi sila sa pagtuman sa kon unsa mang mga butang nga Imong. . . tanang mga butang nga Imong gikatudlo kanamo.'"

229 "Busa dayon ako miingon, "Tungod sa imong pagpahayag sa pagtoo; tungod sa imong pagsugid sa imong mga sala, ug sa imong pagtoo sa Anak sa Dios, ako nagabautismo kanimo, akong hinigugmang igsoon, sa Ngalan ni Ginoong Jesus Cristo."

230 Akong giingon, "Mao kanay pamaagi sa akong pagpangbautismo. Ako parehong ginaila ang Iyang mga titulo,

kung unsa Siya, pareho nga Amahan, Anak, ug Espiritu Santo. Ug ang hinungdan nga si Jesus miingon niana, mao'y . . .”

231 Karon tan-awa. Kon—kon dili pa mao kana, aduna kamoy kasukwahian sa inyong Kasulatan; aduna kamoy kasukwahian. Ug unsa may inyong buhaton sa dihang . . . Unsa na kaha kon kining igsoong Buddhist motindug ug moingon nga, “Unsa na man ang bahin *niini*?” Unsa kaha ilang iingon sa dihang kini sila nagsulti kanako . . .

232 Didtong dapita, sa dihang kining Indian nga igsoon mihagit kang Morris Reedhead, ug giingnan siya, miingon, “Unsa na man ang Marcos 16?” Gikinahanglan niyang molikay niini.

233 Wala kay kinahanglan likayan ug bisan unsa. Pulong kana sa Dios. Pagpabilin Niini. Pag-ampo lang. Kuhaa ang pinadayag. Pareho ra Kini tanan nagapamuhat.

234 Kita n'yo, pareho na nilang ginahisgotan ang maong butang, karon; dili mga titulo; dili nga walay-pagkataha. Akong giingon, “Karon . . .”

235 Naila ko Siya. Siya ang Amahan; dili uban pa nga Dios. Siya ang Anak; dili uban pa nga Dios. Ang mao ra nga Dios! Ikaw . . . Tulo Kini ka mga katungdanan. Ang Dios diha sa kapanahunan sa Pagka-Amahan, kon gusto ninyong pagatawgon kini, sa pagka-Amahan; Pagka-Anak; ug kini mao ra nga Dios nga ania kanato karon, “Ako maga-uban kaninyo.” Ang “Ako,” sa personal nga puli-ngalan, “Ako magauban kaninyo.” Busa, makita ninyo, tulo kini ka mga katungdanan, dili tulo ka mga Dios.

Karon, igsoon, kon wala gayud gigamit kini sa mga tinunan, ug sa mga nangsunod . . .

236 Wala gayud ako'y ginasulti batok niini. Maayo man kana. Ginasultihan ko kamo, kon ang usa ka tawo nga moanhi dinhi, nabautismohan sa ngalan sa “Rosa sa Sharon, Lirio sa Kawalogan, ug Bitoon sa Kabuntagon,” ug nagtoo kang Jesus Cristo ingon nga iyang Manluluwas; ako moingon, “Panalanginan ka sa Dios, igsoon! Ari ka, magpadayon kita!” Kita n'yo? Tinuod kana. Kay, kon ang imong kasingkasing dili matarung, dili ka matarung, bisan unsaon pa. Ensakto gayud. Ug ang imong—imong kasingkasing kinahanglan matarung.

237 Ug ako miingon, “Karon tan-awa. Karon, kon ako magapangumosta kang Igsoong Ness dinhi, ako moingon ‘ang Rev. Dr. Ness.’ Mao kana’y ensakto. Usa siya ka ministro. Angay siyang pahinungdan ingon nga usa ka reverend. Siya nagtuon, ug nagtuon ug maayo. Aduna siyay Degree sa pagka-Doktor, busa angay siyang pagatawgon ‘doktor.’ Mao kana’y iyang titulo, kita n'yo. Ug ang iyang ngalan si ‘Ness,’ bisan pa. Karon, dili ko moingon, ‘Hoy, Ness! Hoy, Dok!’ Dili, dili kana mahimong matarung. Ako moingon, ‘ang Rev. Dr. Ness.’”

238 “Kita n’yo, mao kanay akong pagtawag, kita n’yo, kon unsa Siya; parehong Amahan, Anak, ug Espiritu Santo, ‘ang Ginoong Jesus Cristo.’” Kita n’yo?

239 Ug ako miingon, “Kon ako magapangbautismo man ug usa sa tanan ninyong kada mga kaiglesiahanan, ingon anang paagi ko sila pagabautismohan.” Ako miingon, “Dawaton ba nimo siya, Igsoong Ness?”

240 Siya miingon, “Sigurado. Siya nabautismohan na sa Ngalan sa Amahan, Anak, ug Espiritu Santo.”

Ako miingon, “Modawat ka ba kaniya, Igsoong Scism?” Siya miingon, “Sigurado, siya nabautismohan na sa Ngalan ni Jesus.”

241 Ako miingon, “Nan unsa bay nahitabo kaninyo, mga igsoon? Nganong dili man ninyo dawaton kana, ug lumpagon kining mga pader diin ania sa sulod niini kining kabus nga mga tawo. Ang Oneness gusto, gayud, sa maong kongregasyon, gusto nilang magsimba kauban ang mga Assemblies. Ug ang Assemblies, nga kongregasyon, gusto magsimba kauban ang Oneness. Ug ang managsoon ingon niana. Ingon-ana sila. Apan samtang ang Yawa mahimo silang mapaaway. . . .”

242 Karon nakita ninyo kon unsa ang buut kong ipasabut, mga igsoon? Ako nagatumong paingon nianang usa ka butang, kang Jesus Cristo, ug ang paghiusa sa Lawas ni Jesus Cristo. Mao kana kung unsa ang akong tinguha. [Ang kongregasyon nagaingon, “Amen.”—Ed.]

243 Karon, wala gayud ko nagaingon bahin sa, “Hoy, wala ka nabautismohan sa Ngalan ni Jesus; paadto ka sa impierno.” Karon, kanay binuang.

244 Sultihan ko kamo sa unsay nahitabo sa miaging adlaw. Didto ko sa Texas. Sa wala pa ako mibiya. . . Ug ang—ang mga igsoon dinhi mao’y mga saksi niini. Ang Oneness nga iglesia, kapitoan ug duha ka mga kaiglesiahanan, nagpangabaga sa akong panagtigum. Ug gipatawag ko si Igsoong Petty, ang Assembly of God nga igsoon, pagsaka sa plataporma niadtong gabhiona. Karon, nasayud kamo nga tinuod kana. Siya usa ka bililhong igsoon, si Igsoong Petty, kon kinsa man kaninyo ang nakaila kaniya, nga taga-Beaumont, Texas. Siya usa sa mga maayong kaayong tawo nga akong natagbo. Ang iyang asawa usa ka kinabig nga Katoliko, usa ka matuod nga balaang babaye. Siya na man usa ka matuod nga tawo sa Dios.

245 Suginli ko kon kinsa pay mas maayong tawo kaysa kang Roy Wead, nga Assemblies of God. Hinganli ang si bisan kinsa niining mga tawhana, tan-awa dinhi, tanan niining mga igsoon nga kaila ko dinhi. Ang igsoon nga gikan sa simbahan sa Philadelphia dinhi, ug mga Assemblies of God nga mga kalalaken-an, ug kinsa pa man ang mas maayong mga tawo? Suginli ko kon asa man. Suginli ko kon kinsa pa ang mas maayong tawo kaysa kang Jack Moore? Suginli ko niana. Siya’y usa sa unsa’y tawag nila. . . Sila

nahisakup kanila. Dili siya makihilabihanon. Makaplagan mo ang makihilabihanon tali sa duha ka bahin; ug mao kana ang ginapunting sa mga tawo, ug mao kana ang punting sa Yawa.

<sup>246</sup> Apan tanan sila mga tawo sa Dios. Ang Dios mihatag kanila sa Espiritu Santo. Kon kini dili pa sa grasya sa Dios, nangahanaw na kitang tanan, diha sa atong mga pagsinumpakiay ug mga butang. Husto gayud kana. Apan ang grasya sa Dios mao'y nagabugkos kanato. Dili katingad-ang makakanta kita, "Blest be the tie that binds our hearts in Christian love." Mao kana kon unsay atong gikinahanglan, kon ingon-niana.

<sup>247</sup> Ug busa nahibalo ba kamog unsa? Ang Tibuuk Tigdumala ibabaw sa—sa maong iglesia, mitawag kanako, ug siya miingon, "Nahibalo ka ba sa imong gibuhat kagabii?" Ang ikaduha ko nga gabii didto.

Ako miingon, "Unsa man?" miingon ko, "Nagkaadunay usa ka kahibulongang panagtigum."

Miingon, "Aduna kay usa ka tawo sa imong pulpito nga makasasala."

Miingon ko, "Wala ako masayud niini." Asa adto. . .

Miingon, "Kadtong si Mr. Petty."

<sup>248</sup> "Oh," ako miingon, "usa ka makasasala? Unsa?" miingon ko, "Usa siya ka Assembly of God nga magwawali, igsoon."

<sup>249</sup> Miingon siya, "Oo, apan siya usa pa ka makasasala gihapon, tungod kay siya wala pa mabautismohi sa husto."

<sup>250</sup> Ug ako miingon, "Igsoon, ginapangamuyo ko nga sultihan mo ako'g ngano." Miingon ko, "Aduna siyay Espiritu Santo."

<sup>251</sup> Siya miingon, "Igsoong Branham, unsa ba'y giingon ni Pedro? 'Paghinulsol, ug magpabautismo sa Ngalan ni Jesus Cristo alang sa kapasayloan sa inyong mga sala.' Busa ang imong mga sala dili mapasaylo hangtud nga ikaw mabautismohan sa Ngalan ni Jesus."

Ako miingon, "Mao ba kana ang sundanan, igsoon ko?"

Siya miingon, "Mao kana ang sundanan."

<sup>252</sup> Ako miingon, "Giguba sa Dios ang Iyang Kaugalingong plano kung ingon niana, diha sa Mga Buhat 10:49, kay, 'Samtang si Pedro misulti pa niining mga pulong, ang Espiritu Santo mikunsad kanila nga nakadungog sa Pulong,' kita n'yo, ug wala pa gani sila nabautismohan, man lang. Unya, ang Dios ba nagahatag sa Espiritu Santo ngadto sa mga tawo nga wala pa gani makabig?" Ako miingon, "Diin man sa kalibutan ka nagabarug karon?"

<sup>253</sup> Siya miingon, "Nahibalo ka ba kon unsay among buhaton?" Miingon, "mobuhat kamig gamay'ng lingin, ug ipahigawas ka sa maong sirkulo."

<sup>254</sup> “Kung ingon niana,” ako miingon, “Akoy mobuhat ug usa pod, ug ipasulod ko mismo kamo usab pabalik.” Miingon ko, “Dili ninyo mahimo pagpagawas kanako, tungod kay ako nahigugma kaninyo. Kita n’yo, dili ninyo gayud kini mahimo.” Ako miingon, “Adunay daghan kaayo sa inyong—inyong mga kaigsoonan dinha nga nahigugma kanako ug nagatoo kanako.” Miingon ko, “Ikaw, akong—akong. . . Sila magapanuol, sa gihapon.” Ako miingon, “Sila magapanuol. Ug dili ninyo mahimo ang pagpagawas kanako. Kon inyo akong ipagawas, ako kamong ipasulod balik.” Ako miingon, “Sa dihang kamo nagahimog usa ka sirkulo; ang Dios, pinaagi sa Iyang grasya, magatugot kanako paghimo ug laing usa ug birahon mismo kamo balik pag-usab.” Tinuod kana, birahon sila pagbalik usab.

<sup>255</sup> Ug, igsoon, oh, sa Ngalan ni Cristo tugoti kong isulti kini. Ako—ako adunay. . . Nasayud ko nga nalangan ko ang panahon dinhi; ug mga hapit na sa panahon aron sa pagtapus, siguro, apan tugoti lang ako pagsulti niini, kita n’yo.

<sup>256</sup> Ug akong giingon niadtong tawhana, giingon ko, “Mokuyog ako kaninyo samtang inyong iwali ang mga Kasulatan, ug adunay gugma, ug toohan nga—nga. . . ug magawali ug moingon nga kamo nagapangbautismo sa mga tawo. . . dili sa ngalan ni ‘Jesus,’ nga Jesus lamang. Dili, sir. Ako—ako siguradong dili mouyon niana, kay nakaila ako sa pipila ka mga Jesus; nailhan sila didto sa Africa ug sa nagkalainlaing mga lugar, mga tawo nga gingalan ug Jesus. Apan kon inyong gamiton ang pulong nga atong ‘Ginoong Jesus Cristo,’ mouyon ako kaninyo niana. Kana ang husto. Mokuyog ako kaninyo. Sa pagtoo ko inyong kinahanglan ibutang ang ‘Amahan, Anak, ug Espiritu Santo’ una, kita n’yo, aron makuha kini nga husto.” Akong giingon, “Sa pagtoo ko inyong ibutang gayud.”

Apan siya miingon, “Oh, dili, dili! Kana, pabalik kana sa trinity.”

Ako miingon, “Dili kini trinity. Usa kini ka Dios sa tulo ka mga katungdanan.”

<sup>257</sup> Dili kini usa ka trinity, tulo ka Dios. Wala kita’y tulo ka Dios. Wala gayud. Wala’y butang ingon niana. Wala natudlo sa Biblia. Ug aduna lamay usa ka Dios. “Magpatalinghug ka, O Israel, Ako ang Ginoong nga inyong Dios.” Usa ka Dios! Ang unang sugo, “Dili kamo magbaton ug laing mga dios sa atubangan Ko.” Sa tinuod gayud, Siya usa ka Dios, dili tulo.

<sup>258</sup> Mao kanay bersyon sa Katoliko niini; ug kini natunol gikan sa Katoliko ngadto sa Lutheran, ug sa mga nangsunod pa, ug uban pa, ug kini sa kinatibuk-an gitooan na taliwala sa mga tawo karon nga kita adunay tulo ka mga Dios.

<sup>259</sup> Ug kana diin dili gayud ninyo. . . Kining Maayong Balita dili gayud makaadto sa mga Judeo. . . Nga, ako nagpropesiya sa

miaging buntag ngadto sa usa ka Judeo nga misyonaryo didto. Dili gayud ninyo madala ang trinity nga Dios sa usa ka Judeo. Dili gayud ninyo mahimo kana. Kinsa, dili siya; aduna siyay labaw nga paghibalo kay niana. Kita n'yo, mas nasayud siya bahin sa Biblia kay niana. Apan dili gayud Siya usa ka totulo nga Dios, ngadto sa usa ka—usa ka Judeo. Kon imong ipakisayud kaniya nga Kini ang mao ra nga Jehova, iyang dawaton kini karon dayon. Sigurado! Mao kini, kita n'yo.

<sup>260</sup> Ug akong ginatooan kini tanan. Sama sa giingon ni Jose, “Mga igsoon, ayaw kamog kasuko sa inyong kaugalingon, tungod kay ang Dios mao'y naghimo niini,” nakita ninyo. Tungod—tungod sa maong butang nga...Aron nga kini mapaabot hangtud ning panahona, mao lang kana, tungod kay ang atong kapanahunan sa Gentil hapit na man matapus. Karon, nagatoo ko niana uban sa tanan natong kasingkasing. Busa inyo bang makita, akong mga igsoon? [Ang kongregasyon nagaingon, “Amen.”—Ed.] Gipaninguha ko pagpasabut sa usa ka butang, nga, kining pundok sa mga tawo, sa mga kalalaken-an nga adunay bautismo sa Espiritu Santo.

<sup>261</sup> Ang pundok ni Aimee McPherson, unsa bay iyang gibuhat? Siya una usa ka Oneness, sa pagtoo ko; dayon migawas ug nahimong Assembly; dayon mihawa ug nag-organisar ug lahi sa iyang kaugalingon; dinhi dili pa dugay'ng panahon, nagtukod sa usa ka gamay'ng pundok, usa ka dyutay'ng butang.

<sup>262</sup> Ako naglingkod sa usa ka tigum ni O. L. Jagers. Karon, nakaila man kitang tanan kang O. L. Jagers. Ang iyang—iyang amahan mitabang pagtukod sa General Council sa Assemblies of God. Karon, si O. L. usa ka bantugang tawo. Siya usa ka bantugan nga magwawali. Ako siyang giingnan, dili pa lang dugay, akong giingon, “Igsoong Jagers, kon makawali ako sama sa paghimo mo niini, wala na gayud ko nagkinahanglan pa ug buluhaton sa pagpang-ayo.” Apan aduna siyay nianang tanang dugo ug bino, ug ingon-anang mga butanga, sa diha una siyang misugod didto.

<sup>263</sup> Pasayloa ko, kon napasakitan ko ang inyong mga pagbati, mga igsoon, bahin niana. Ako—akong...Maayo man kana. Mahimo man sa Dios ang pagpatungha sa dugo, pagpatungha sa bino, o pagpatungha sa lana, bisan unsay Iyang gusto, apan dili kana nagapasaylo sa mga sala. Dili, sir. Dili sir. Dili, gayud. “Ang Dugo ni Jesus Cristo dili gayud mawad-an sa gahum Niini, hangtud nga ang tanang tinubos nga Iglesia sa Dios maluwas, aron dili na gayud makasala.”

<sup>264</sup> Ako miingon, “Igsoong Jagers?” Ako siyang gidala; Gitawagan ko siya. Ug ako kaniadto kauban sa Christian Business Men. Ug ako miingon, miingon ko, “Igsoong O.L.?”

<sup>265</sup> Siya miingon, “Asa ka na man karon?” Atua ko sa gamay'ng karaang baratohon nga motel didto. Ug siya miingon, “Ang buut mong pasabut kanako nga gibutang ka nila dinhi?”

266 Miingon ko, “Mao kanay akong gusto. Sa dihang ako moanha kanimo,” ako miingon, “unsa bay imong gihimo? Imo akong gibutang didto sa Statler Hotel, ug ako nagatindog na lang didto sa daplin. Ila kong gipalingkod sa lamesa; wala ako masayud asang kutsilyoha ang pagagamiton, o wala nay uban pa. Ug dili ko . . . Mikanaug lahus didto, nga wala nakasul-ob ug amerikana, gusto nilang pagulaon ako.” Ug ako miingon, “Ako—ako wala mahibalo kon unsaon pagdala sa akong kaugalingon.”

Miingon, “Dalhon ta ka didto, kon kabus sila kaayo sa paghimo niini.”

267 Ako miingon, “Dili, sir.” Miingon ko, “Ang gusto kong buhaton mao nga mokaon ug steak uban kanimo, kung ikaw mobayad niini.”

Ug siya miingon, “Sige.”

268 Busa dayon miadto kami sa usa ka lugar, ug kami nanglingkod. Ug ako miingon, “Igsoong Jaggers, ako gayud tinuod gidayeg ang imong . . .”

269 Ug siya usa ka suod kaayo nakong higala, usa ka bililhong igsoon. Ug aduna kanako—kanako ang iyang gamay’ng pampleta, ug siya . . . diin aduna kanang babaye nga bag-ohay pa miabut gikan sa gawas nasud, nga may dugo kanang iyang mga kamot, ug mga butang. Busa anaa kini dinhi kanako. Gusto lang ko nga iyang ilimod kini niadtong higayona, ug unya aduna kini kanako mismo ang iyang—ang iyang basahon, nahibalo na mo.

270 Ako miingon, “Akong namatikdan kung asa ka nagapaingon niining mga panahon, magkaadunay, usa ka dakung rebaybal nga masugdan.” Kay, ang Business Men nagdala kanako didto, lagi.

271 Ingon nga ang mga tawo makahibalo. Kon mapadayag man sa Espiritu Santo diha sa plataporma, dili ba Niya matug-an kanako kon unsay nagakahitabo sa mga lugar, mga igsoon? [Ang kongregasyon nagaingon, “Amen.”—Ed.]

272 Makasulti ako kaninyo, pulong sa pulong, ug pamatud-an kini pinaagi ni Igsoong Carlson, ug kining igsoon *dinhi*. Naglingkod ako sa maong tigum, kagahapon, ug giingnan kining mga kaigsoonan sa unsay mahitabo niining buntaga. [Usa ka igsoon nagaingon, “Oo, sir.”—Ed.] Tinuod kana. Tukma gayud. [“Amen.”] Kita n’yo? Tungod kay, ang Balaang Espiritu mipukaw kanako, ug miingon, “Tindog ka kilid sa bintana.” Ako mitan-aw, sa bintana, ug Iyang gipakita kanako ang tukma gayud *niini*. Ako miingon, “Karon, mga igsoon . . .” [Usa ka igsoon nagaingon, “Tinuod kana.”] Akong gipakita kini kaninyo, tukma gyud. Dinha! Kita n’yo?

Aba, sila angay masayud niini.

273 Dinhi dili pa lang dugay, usa ka tawo mitindog, dinhi sa Chautauqua, ug miingon, “Si Igsoong Branham usa ka propeta.”



Wala ako nagaangkon nga usa ka propeta. Kita n'yo? Apan siya miingon, "Si Igsoong Branham usa ka propeta sa dihang anaa siya ilalum sa Espiritu sa pag-ila, apan," miingon, "oh, ang iyang Doktrina makahilo. Pagmatngon Niini," Napamalandongan ko, usa ka edukado nga tawo, mosulti sa usa ka butang nga ingon niana?

<sup>274</sup> Unsa bay buut pasabut sa *usa ka propeta*? "Usa ka Balaang maghuhubad sa Pulong." "Ang Pulong sa Ginoo miabut ngadto sa propeta," nakita ninyo. Apan, niana lang, wala'y si kinsa dinhi ni nga magasulti.

<sup>275</sup> Apan, bisan pa man, si Igsoong Jagers. Ug ako miingon, miingon siya, oh... Ako miingon, "Akong nakita ang mahitungod nianang babaye nga anaa kanang dugo sa iyang kamot."

<sup>276</sup> "Oh," siya miingon, "Igsoong Branham, mao kanay pinakatalagsaon nga imo pang nakita!"

<sup>277</sup> Ako miingon, "Igsoong Jagers, ako nahigugma kanimo. Una, gusto kong ibutang mo ang akong kamot diha kanimo. Ingon nato nga kita magsoon."

Siya miingon, "Tinuod. Unsa may nahitabo?"

<sup>278</sup> Ako miingon, "Ikaw usa sa pinaka-makusganong magwawali nga akong naila. Daw unsa—unsa ka galamiton ikaw alang sa Dios!"

<sup>279</sup> Siya miingon, "Salamat kanimo, Igsoong Branham. Mapaubsanon ka gayud."

<sup>280</sup> Ako miingon, "Wala ko ginaingon kana aron mahimong mapainubsanon. Akong ginaingon kana tungod kay nagatoo ako niini. Ikaw usa ka alagad sa Dios." Apan miingon ko, "Igsoong Jagers, gawas kon ikaw... hilabihan na ang imong pagtipas; wala kay ikatugbang mahitungod nianang imong gipanghisgotan. Imong ginabasihan..."

<sup>281</sup> Ug dinhi kung unsa ang nagakahitabo sa daghan kaninyong mga Assemblies of God, ug sa uban pang mga kalalaken-an, diha niining mga buluhaton sa pagpang-ayo. Wala ako nagabasol kaninyo. Adunay daghan kaayong gitawag... Ug si Tommy, dinhi, usa ka maayong igsoon, ug kita nahibalo kon unsa ka lig-on siyang nagabarug. Apan adunay daghan kaayo sa nasud karon sa ilalum sa ngalan sa Balaanong pagpang-ayo, dili ikatingala nga dili kamo moabaga ug usa ka tigum sa siyudad. Sila nagapanganhi ug padug-on lang ang mga tawo, ug mobiya. Ug unsa ba'y anaa kanila? Ayaw'g pagpahayag sa mga tawo ug lapas pa kay sa inyong ginabuhat sa plataporma, gikan sa inyong kaugalingong pulpito. Ug husto kamo, mga igsoon. Ginasultihan ko kamo, husto kamo. Apan kini sama lang...

<sup>282</sup> Akong ginabasa kaniadto ang kasaysayan ni Martin Luther. Giingon niini nga, "Dili kadto usa ka misteryo nga si Martin

Luther maprotestahan ang Katolikong iglesia, ug makalusot niini.” Nabasa na ninyo ang iyang kasaysayan. “Apan nga si Martin Luther mahimong makapataas sa iyang ulo labaw kay sa tanang panatissimo nga misunod sa iyang rebaybal, kadto mao ang misteryo.”

<sup>283</sup> Ug sa diha nga ang maong misterio nahuman na, ang mga dili-tuli nagasunod, sama kini kaniadto sa Egipto. Ug kini kanunay’ng hinungdan sa kasamok didto sa kayutaan. Nasayud kita niana, sa dihang kita ninggawas didto. Nga, mipatungha kang Korah, ug gikinahanglan sa Dios pagalaglagon kini. Apan, mga igsoon, dili ko nagabasol kaninyo.

<sup>284</sup> Si Igsoong Jagers nagalingkod didto ug naningkamot pagsulti kanako nga kadto mao ang Balaang Espiritu nga mao’y nagabuhat niadto. Ug miingon. . . Ug aduna kanako, diha sa iyang kaugalingong basahon. . . Miingon ko, “Igsoong Jagers, karon,” Miingon ko, “Usa ako ka tinun-an sa ika-pitong grado. Ug ikaw usa ka Doktor sa Divinidad, ug nagtuon aron mamahimong abugado. Ikaw gipadaku sa usa ka limpyo, desente nga iglesia, ang Assemblies of God. Ang imong amahan mitabang sa pagtukod nianang tinooan. Ug ikaw nga nagakatipas na, ana-a ra kana kanimo.” Apan ako miingon, “Anaa ra kana sa si bisan kinsang tawo, nga gustong mohimo niana. Wala ako nagabadlis ug bisan unsang mga linya dinha. Apan sa dihang kini nagaabut na sa punto nga ang usa ka galamiton nga sama kanimo, makakabig ug linibo ka mga kalag ngadto kang Cristo, motukod sa imong pagpangalagad basi sa usa ka sensasyon.” Ako miingon, “Igsoong Jagers, nagatukod ka ug usa ka haligi sama *niana*, kon wala kay ikatugbang alang niana, matumba ra kini sa dili madugay. Ug gikinahanglan nga aduna kay Kasulatan alang sa kung unsay imong ginahisgotan.”

Siya miingon, “Adunay Kasulatan.”

Miingon ko, “Ipagawas kini.”

<sup>285</sup> Siya miingon, “Bueno, Igsoong Branham,” miingon, “Espiritu Santo kana nga nagabuhat niana .”

<sup>286</sup> Ako miingon, “Ipakita kanako ang Kasulatan diin Kini nag-ingon, ang Espiritu Santo gihimo ang pagpagawas sa dugo sa usa ka tawo, ug uban pa, sama niana. Ipakita lang kini; lana nga nagaagas gikan kanila. Miingon ka, ‘Kanang lana alang sa Balaanong pagpang-ayo.’ Ug miingon ka, ‘Kanang dugo sa babaye mao’y kaluwasan sa mga nasud.’” Ako miingon, “Kon mao man kana, nan unsa na may nahitabo sa Dugo ni Jesus Cristo? Giwala na niini. Ug ang bisan unsang butang nga supak Niini, mao’y kabatok. Kini kabatok na Niini.” Ako miingon, “Kini nahimo nang doktrina sa anticristo.”

“Oh,” siya miingon, “Igsoong Branham, matun-an ra nimo kana pila ka adlaw.”

287 Miingon ko, “Nagalaum ko nga dili ko gayud matun-an ang ingon niana. Karon, igsoon,” ako miingon, “Gihigugma ko ikaw, ug ikaw akong igsoon.” Ug miingon ko, “Igsoong Jagers, mahiadto ka sa usa ka kahimtang nga wala nay modapig, sa dili madugay, nga dili ka na makalingkawas. Balik ka sa imong iglesia, ug pagbalik ug pagpabilin uban sa Maayong Balita.” Ug ako miingon, “Ayaw pagtukod niini basi sa mga sensasyon.” Miingon ko, “Ang . . .”

288 Karon iya nang, siya nagapangbautismo na ngadto sa Kinabuhing Walay Katapusan, kamo nasayud, “Sa matag higayon nga nagapangbautismo ka, nagakahibalik ka sa pagkabatan-on nga babaye o lalaki. Karon kana paingon ngadto . . . Kamo dili (dili na gayud) mamatay.” Busa, kana, niini, nahiabut na siya sa kinatumyan nianang kahimtanga; ug silang “mga bitaminang tablitas nga gikan sa Dead Sea.” Nakita ninyo? Apan mao kanay unsa niini, igsoon, mosugod ka niadtong ginagmay’ng mga sensasyon.

289 Ug kamo nga mga kalalaken-an dinhi nga adunay niining mga kaiglesiahanan, inyong tugotan pagsulod ang butang nga ingon niana sa siyudad, ug, nasayud na mo, ang Yawa maliputon, ug iyang—iyang ginasakanang kanang mga butanga nga ingon niana. Siya nagapangatarungan niini. Ug iyang—iyang ginahimo ang mga tawo nga mapungot, ug nagahimo siyang mga palibog sulod sa iglesia, ug mga butang. Apan kana dili mao.

290 Karon, dinhi. Bisan pa kon unsa pa kamo ka husto, ania ang usa ka butang diin kita nangahulog ug nangapakyas, mga igsoon ko. Karon ako nagahinapus na, sa pagsulti niini. Bisan pa kon unsa ako ka husto, ug unsa pa ako ka makasulatanon, ug unsa pa kadaghan ang nahibaloan ko bahin sa Biblia sa Dios; kung wala na man akoy Espiritu sa Dios, gugma, sa akong kasingkasing, alang sa tibuuk tawhanong kaliwatan ug sa tanan na, nan ako sayup na sa sinugdan pa.

291 Karon, si Pablo miingon, sa Unang Mga Taga-Corinto 13, “Bisan pa’g ako may kahibalo, kita n’yo, ug nakasabut sa tanan nga mga tinago sa Dios, kita n’yo; ilalum sa tanan, nagabarug; ug wala’y gugma, ako wala’y kapuslanan. Ug bisan pa’g ako nagasulti’g mga dila sa mga tawo ug sa mga manolunda,” kana mao kadtong mga ginapakigsulti ninyo sa Dios, ug kanunay ang maong mga dili mahubad. “Bisan pag ako nagasultig mga dila, tinuod nga pagsulti sa mga dila sa mga tawo ug sa mga manolunda, ug wala’y pagbati, gugma, kini dili nagapulos kanako.” Busa kon ako nahibalo sa tanan nga mga tinago sa Dios, ug mapadayag sila ug—ug himoon silang nagakatakdo tanan, ug wala akoy gugma, unsa may nahimong kaayohan niini? Ug sa diha nga ako . . .

292 Si Jesus miingon, “Pinaagi niini ang tanang tawo makaila nga kamo nga tinun-an Ko, sa dihang kamo adunay . . .” sa

dihang ang Assemblies adunay paghigugma ngadto sa Oneness, ug ang Oneness adunay paghigugma ngadto sa Assemblies, “sa dihang kamo adunay paghigugma, sa usa ngadto sa usa,” husto man o sayup. Ug samtang nga ang katuyoan sayup, ang tumong sayup, diay, nan sayup na kamo sa sinugdan pa. Dili ba kana husto? [Ang kongregasyon nagaingon, “Amen.”—Ed.] Kita n’yo, “Bisan pa’g ako nagasulti’g dila sa mga tawo ug sa mga manulonda, ug wala’y gugma, wala pa gayud ako bisan unsa.” Tungod kay, ang Dios gugma. Nasayud kita niana.

<sup>293</sup> Ug ako nagatoo sa pagsulti sa mga dila. Karon, aduna’y tawo miingon, “Si Igsoong Branham dili nagatoo diha sa pasiunang ebidensya.” Gusto kong iklaro kana diha kaninyo karon. Kita n’yo? Gusto kong sultihan kamo.

<sup>294</sup> Ako nagatoo nga sa diha ang usa ka tawo nagadawat kang Cristo, siya nagadawat ug bahin sa Balaang Espiritu. Kay, si Jesus miingon, diha sa Mateo ang—ang ika-12 nga kapitulo, sa ika-5 nga kapitulo ug bayente- . . . ang ika-24 nga bersekulo, Siya nag-ingon. Dili, sa akong pagtoo diha kini sa San Juan 5:24. Siya miingon, “Siya nga nagapatalinghug sa Akong mga Pulong, ug nagatoo Kaniya nga nagpadala Kanako, aduna’y Kinabuhing Wala’y Katapusan.” Karon, aduna lamang usa ka porma sa Kinabuhing Wala’y Katapusan. “Ug dili pagahukman; apan nakalatas na gikan sa kamatayon ngadto sa Kinabuhi.”

<sup>295</sup> Karon, ako nagatoo nga wala’y tawo nga makatawag sa iyang kaugalingon; ang Dios kinahanglan mao’y magatawag kaniya. Ug kon ang Dios mitawag gayud kaniya. . . Ug aduna’y daghang mga tawo, nahibalo na kita, mga kaigsoonan, nga nagpangusog gyud ug nagadahum nga ang Dios mitawag kaniya, apan ang ilang kinabuhi sa kadugayan. . . makaplagan, inyo kining makaplagan. Apan kon ang Dios mitawag kaninyo, aba, kamo, maanaa kamo dinha, ug magapabilin kamo dinha, kita n’yo, mahibalo. Ug unya kung. . . Karon, dili kana doktrina sa Baptist. Nasayud kamo niana, kita n’yo.

<sup>296</sup> Apan, wala ako nagatoo sa pagpanglamano sa mga kamot ug aduna na’y Dayong kasiguradohan, ug tanan niana’ng butanga. Ako—ako wala nagatoo niana, wala gayud. Kung gusto nilang motoo niana, bueno, wala kana’y kabilingan kanako. Ang maingon ko nga mga igsoon sila sa gihapon.

<sup>297</sup> Niining buntaga, kon ako magahangyo ug usa ka hiwa sa pie, (nga hapit na sa panahon sa tingkaon), gusto ko tingali ang sa cherry, ug ang inyo tingaling pilion ang sa mansanas, apan pareho kitang nagakaon ug pie. Kita n’yo? Busa wala kini bisan unsa naga. . . basta kay kita nagakaon ug pie.

<sup>298</sup> Ingon niana kita nagatoo. Kung gusto kamo nga mamahimong Oneness, pag-Oneness; kung gusto kamo mamahimong Assembly of God, pag-Assembly of God. Kung

gusto kamo nga mamahimo ug bisan unsa pa, Baptist, Presbyterian, pagpa-Cristohanon niini. Kita n'yo?

299 Ug—ug susiha kini alang sa inyong kaugalingon, apan ayaw paglalis sa usa'g-usa. Tungod kay, kining ginagmay nga mga butang, silang tanan nagakatakdo. Tinuod kana. Silang tanan nagakatakdo ug moabut ra ngadto sa usa ka dapit.

300 Ug—ug bisan pag unsay atong ginabuhat, unsa pa kadaghan sa mga milagro nga atong mabuhat, pila pa ka mga bukid ang atong mapabalhin, o unsa man kini; hangtud nga kita makadangat na sa usa ka kahimtang diin ato nang ginahigugma, dili sa pagpakaaron-ingnon, apan kita nagahinigugmaay gayud sa usa'g-usa. Kung kita nagahigugma sa matag igsoon, bisan pa kon unsa siyang iglesia nahisakup, ato siyang ginahigugma; dili pagpakaaron-ingnon lang sa atong pagbuhat, kay nasayud kita nga kini usa man ka relihiyosong butang, kini, “Kay angay nato'ng buhaton kini.” Apan, tungod kay kita nagabuhat niini, ginahigugma nato ang usa'g-usa; dayon, ang pagkamapailubon, nagamainantuson sa usa'g-usa.

301 Ug ako nagatoo, diha sa Mga Taga-Colosas 3, mga 9, dihang mga dapita . . . Akong tingali, ako—akong dili . . . Tingali'g sayup ko diha sa Kasulatan, apan Kini nag-ingon niini. Human nga kita nahimong usa na ka Cristohanon, dili kita masina. Kita n'yo? Dili kita makabaton ug pagtoo sa dihang kita nagapaninguha paghatag ug mga pagtamud ug pasidungog sa usa'g-usa. Kita n'yo, dili kana nato mahimo; dili kita makaangkon ug pagtoo. Kinahanglan nato'ng pasidunggan ang Dios, kita n'yo, pasidunggi Siya. Toohan ang akong mga igsoon, tinuod, mao'y gugma; apan ang pagrespito ug pagpasidungog paingon ngadto sa Dios! Alang sa . . . Kondili pag-unong ug pagsalig diha sa usa'g-usa. “Ug ayaw pagpamakak ngadto sa usa'g-usa.” Kita n'yo? “Ayaw pagpamakak ngadto sa usa'g-usa.” Kung mosulti ako kaninyo niining buntaga, “Ako nahigugma kaninyo,” Kinahanglan tinuod kana kanako. Kon kini dili gani, ako usa ka tigpakaaron-ingnon. Mao gayud kana.

302 Karon, mga kaigsoonan, subay niining linyaha . . . Karon, Igsoong Tommy, ako nagalaum nga ako wala nakapalangan ug maayo dinhi. Akong . . . Si Igsoong Tommy adunay butang nga isulti sa kadali lang. Apan isulti ko tingali kini, sa dihang ako magaanha sa inyong taliwala . . .

303 Ako nagatoo niini. Ako nagatoo nga ang Dios nato'ng Amahan gilandongan ang usa ka ulay nga gitawag ug Maria, ug mibuhat diha sa sulod kaniya ug usa ka selula sa Dugo nga mipahimugso kang Jesus Cristo, nga mao ang Anak sa Dios, ang tabernakulo diin sulod niini gitago sa Dios ang Iyang Kaugalingon, sa unod, mipadayag sa Iyang Kaugalingon sa atong taliwala. “Diha ang Dios kang Cristo, nagapasig-uli sa kalibutan ngadto sa Iyang Kaugalingon.” Ako nagatoo nga

katong selulaha sa Dugo mibuhagay sa Kalbaryo, alang sa kapasayloan sa atong mga sala. Ug ang Espiritu migawas Kaniya ug mibalik ngadto sa Iglesia, kay, ang Cristo, ang Balaang Espiritu; ang Cristo, ang Logos, ania na kanato karon, ang Balaang Espiritu, pinaagi sa bautismo. Nagahimo kanato. . . Si Cristo mibahinbahin sa Iyang Kaugalingon, nagahatag sa Iyang Kinabuhi ngadto sa matag-usa kanato, aron nga kita, ingon nga usa ka pundok sa katawhan, mamahimong Iglesia sa Dios. Ug dili pa lang dugay. . .

<sup>304</sup> Ako sa una nagapangabayo. Nasayud kamo niana. Ang akong amahan usa ka mangangabayo, hanas gayud. Nagapangabayo ako kaniadto. Kami nagapanugway sa—sa. . . sa Arapaho Valley, o pasabut ko sa Troublesome River, didto sa Arapaho Range. Ang Hereford Association nagapasabsab niana'ng mao'ng kapatagan. Ug diha niana'ng kapatagan, ang mga magraranso, aduna sila—sila'y daghan kaayo'ng kasagbutan nga ilang mapatubo. Ug kon ang usa ka ransohan motigum ug sama kadaghan sa usa ka tonelada sa kugon, makapasibsib kamo sa baka diha sa—diha sa sibsibanan, sa ubos nga dapit sa Estes Park didto, ug makapasibsib kamo sa baka niadtong sibsib- . . . Ang daku kong mga lugar sa pagpangayam, atua sa ibabaw didto. Ug ako nakapagranso didto sa usa ka tuig. Nagaadto ako gihapon, sa Tingpamulak ug Tingdagdag, kung ako libre ug makahimo, ug nagauban sa pagtigum sa mga baka, aron lang nga makaadto didto, kay gusto ko gayud mangabayo. Ug tanan na'ng pagsaka-ug-panaug sa ran- . . . niana'ng kapatagan, aduna'y pundok sa mga magraranso nga may katungod niini, ug sa pagpasibsib sa ilang kabakahan. Ug sa panahon sa Tingpamulak, sa daghang higayon, nga ako sila'ng natabangan pagtigum sa mga baka ug sa pagdala kanila didto.

<sup>305</sup> Ug aduna'y rumbohanang kural, diin dili sila makatipas pagbalik sa pribadong yuta, paubos latas sa maong sibsibanan. Hangtud. . . Ug ang magbalantay nagatindog didto ug nagaihap niadto'ng mga baka sa diha'ng kini nagapasulod, sa diha'ng sila nagapanulod na. Ug ako nakalingkod na, sa daghang mga adlaw, oras-oras; milantaw sa panon ni Mr. Grimes nga nagapanulod, kaniya ang Diamond Bar; ang amoa mao ang Turkey Track; ug kanila ang—ang Tripod nga ubos lang kanamo; ug ang kang Jeffrey, ug uban pa. Dayon kung ako nang ibutang ang akong tiil, sama sa nahibaloan na sa kadaghanan kaninyo, sa pikas sungay sa angkasanan, ug molingkod didto ug tan-awon kadto'ng magbalantay samtang siya nagtindog didto, nagaihap niadto'ng mga baka.

<sup>306</sup> Akong namatikdan ang usa ka butang. Wala siya nagtagad ug maayo ngadto sa marka nga atua sa baka. Apan aduna'y usa ka butang nga iya gayud gipangita, kadto mao ang timaan sa dugo. Kinahanglan nga kini usa gayud ka hingpit nga Hereford

kondili dili kini makalahus niadtong kural, apan ang marka wala kaayo kabilinggan.

307 Ug sa akong pagtoo ingon-ana ang paagi sa Adlaw sa Paghukum. Dili Siya motan-aw sa atong marka, apan Iyang pangitaon ang timaan sa Dugo.

308 Ako nakahimo sa akong mga kasaypanan, mga igsoon, ug akong nahimo ang daghang mga butang nga sayup. Ug kon sa bisan unsang higayon diha sa dalanon nga ako nakadala, o nakadungog kamo ug butang nga akong tingali nalitok o nasulti, nga nakahatag ug pagpandol kung unsa man, o kon ako nakasulti man ug butang niini'ng buntaga nga nakahatag sa pagpandol, ako nagahangyu kaninyo, ingon nga usa ka Cristohanon'g igsoong lalaki ug babaye, pasayloa ako. Wala ko tuyoa ang paghimo niini. Ako lang gipahayag ngadto kaninyo ang akong kasingkasing, aron nga atong mahibaloan.

309 Kon aduna may pagpangbautismo nga pagahimoon, kamo mga igsoon ang mobuhat niini, kamo mismo, kita n'yo. Kana'y, ako—ako dili ang nagahimo. Kung kinahanglan ko man, ingon-ana nga paagi ako magabautismo, sa usa nga ingon niana. Ug hain man kaninyo mahimo'ng dawaton kini, kita n'yo. Busa mahimo ninyo'ng dawaton ang tawo, sila gibautismohan na sa Ngalan sa Amahan, Anak, ug Espiritu Santo, ug sila gibautismohan na sa Ngalan ni Ginoong Jesus Cristo, usab. Busa kon ako magabautismo man ug usa . . . apan wala ko pa nahimo kini. Nagapangbautismo lang ako diha sa akong kaugalingong iglesia, ug kadto lang ang mga tawo didto. Ug sa ingon niana ang mga tawo sa akong iglesia gibautismohan. Ug kon inyong tan-awon kaniadto, mao kana ang karaang Misyonyong tulomanon, ang karaang tulomanon sa Missionary Baptist. Ug karon kung . . . Mao kana.

310 Nagatoo ako sa Balaanong pagpang-ayo. Nagatoo ako sa bautismo sa Espiritu Santo. Nagatoo ako diha sa—sa Espiritu Santo nga nagapanulti sa mga dila. Nagatoo ako sa matag gasa nga gihatag sa Dios ngadto sa Iyang Iglesia. Uyon ako kanila, sa usa ka gatus ka percento. Apan ako nagatoo . . .

311 Dili ako nagaduyog alang sa daghan nga ania dinhi'ng super-duper nga pagpang-ayo sa atong palibot karon. Buot ko lang mohatag ug usa ka pahayag dinhi. Usa ka panahon kaniadto aduna'y usa ka igsoon . . . Ug dili kini ang akong bililhong Igsoong Tommy Hicks, nga ako'ng ginatahod ingon nga usa ka matuod nga alagad ni Cristo. Aduna'y laing tawo sa laing nasud, ug dinhing nasura aduna'y usa ka . . . Siya gayud mao'y, sa tanang panahon, “Ang mag-aayo nga super-duper sa Dios! Super-duper nga mag-aayo,” nasayud na mo, sa ingon niana.

312 Ug nakadawat ako sa usa ka sulat human sa ang mao'ng tawo . . . gikan sa Lutheran nga iglesia. Ug ang akong sekretaryo dinhi nahibalo nga nia kini sa among file. Dili ko na

pagahinganlan ang ngalan sa mao'ng tawo, tungod kay kini dili pang-Cristohanon. Bisan pa'g, ako supak sa mga panghunahuna sa mao'ng lalaki, apan sa hingpit kana wala'y kabilinggan. Ako nahigugma kaniya. Ako siya'ng igsoon.

313 Apan kini miabut gayud ngadto sa usa ka punto diin sila kinahanglan nga aduna na'y matang sa usa ka sensasyon, o ipaukyab kini, o laing butang nga ingon-niana, kita n'yo. Ug, kana, kana'y dili maayo, kita n'yo. Igsoon . . . “Ang lawasnon nga pagbansay nagahimo'g diyutay kaayo'ng pagpulos.”

314 Ug busa kining maong ministro sa Lutheran nagsulat balos niini'ng ministroha sa usa—usa—usa ka sulat. Ug siya miingon, “Ikaw nga Amerikano'ng ebanghelista nga nagaanhi,” miingon, “Uban diha sa tanan nimo'ng super-duper nga pagpang-ayo ngadto sa tanan!”

315 Ug karon kini daw sa usa ka gamay'ng pungpong sa bulak alang sa akong kaugalingon, apan ang Dios nahibalo nga wala ko kini ginapasabut nga ingon niana. “Apan,” siya miingon, “Sa dihang—sa dihang ang gamay'ng si Deborah Stadskev namatay, kadto'ng masuso, ug kadto'ng inahan nakatambong didto niadto'ng adlaw sa India- . . . sa California, diin kadto'ng masuso namatay, ug bugnaw na. Ug nakita . . . gipahimutang katong masuso diha sa mga bukton ni Igsoong Branham, ug siya nga nagabarug didto ug nag-ampo alang niini. Ug ang maong masuso misugod sa pagtiyabaw ug sa pagpanikad; ug gibalik kini ngadto sa babaye.”

316 Siya nasayud usab sa panghitabo sa Mexico. Nga, ato kining mabasi dinhi sa usa ka pamahayag sa Full Gospel Business Men. Aduna kay butang kinahanglan nga gikapahayag gikan sa usa ka doktor. Sa dihang kadtong masuso nga Mexicano namatay niadtong buntaga, sa alas nuwebe, ug kadto alas onse na sa maong gabii. Ang doktor misulat na sa iyang pamahayag. Si Igsoong Espinoza, nga sa kadaghanan kaninyong mga Assembly of God nga mga igsoon nakaila, siya mao ang nagkuha niadto'ng pamahayag gikan sa doktor, nga ang masuso namatay.

317 Ug akong nakita ang usa ka panan-awon taliwala sa mga tawo; sa dihang baynte ka libo ka mga tawo'ng Katoliko ang miduol kang Cristo, didto sa Siyudad sa Mexico. Ako miingon, “Ayaw lang ninyo'g kuhaa kana. Ako wala masayud, kana'ng masuso. . . Bag-ohay ko lang nakita ang usa ka panan-awon dinhi.”

318 Ug si Billy atua didto, nagapaninguha, kauban sa tryenta o kwarantna ka mga tigpangpahiluna, dili makahimo sa pagpugong niadto'ng gamay'ng babaye sa linya sa pag-ampo, dala kadto'ng masuso. Siya modagan tali sa ilang mga tiil, ug tanan na. Busa, sa katapusan, akong gipadala si Jack Moore didto. Miingon ko, “Adto-i, ampo-i kini.”



319 Ako mitan-aw dinhi, ug akong nakita ang usa ka gamay'ng masuso nga Mexicano nga nagkatawa. Ako miingon, “Kadyot lang. Dad-a kana diri.” Kita n'yo? Ug sa dihang gipandong ko ang akong mga kamot niadto'ng habol. . . Mibundak ang ulan niadto, sa tibuok adlaw. Ug sila nagapanindog didto sugod pa sa sayo niadto'ng buntaga, ug kadto mga alas onse na niadto'ng gabhiona. Ug gipandong ko ang akong mga kamot sa mao'ng gamay'ng masuso. Kini misugod sa pagsikadsikad ug paghilak. Ug sila misugod sa pagsiyagit.

320 Busa, dayon ilang gidala kini ug gikuha ang mao'ng pamahayag. Miadto sa doktor, ug ang doktor miingon, “Ako na'ng gipahayag nga ang masuso patay na, niini'ng buntaga sa alas nuwebe. Kini namatay sa pulmonya.” Kita n'yo? Ug busa dayon kadto'ng mga butanga mao—mao—mao'y tinuod. Sila mga pagpamahayag. Mao gayud kini.

321 Kinahanglan nga kita kanunay'ng matinud-anon ug matinuoron bahin sa bisan unsa'ng butang. Ayaw himoa kini sa bisan. . . Pasagdi lang kon unsa man kini. Pasagdi kini. . . Ang Dios wala manginahanglan ug bisan unsa'ng tabang sa bisan unsa'ng butang. Nakita ninyo, Siya—Siya—Siya'y Dios.

322 Busa niini siya miingon karon, “Apan sa dihang kini'ng inahan mitawag kang Igsoong Branham sa Amerika, nagahilak kaniya diha sa telepono, ‘Anhi diri ug buhia ang akong gamay'ng masuso!’ Ug ang United States Government . . .”

323 Ang iyang bana usa ka kapilyan sa Mga Sundalo. Ug kamo'ng tanan nakaila na kang Julius, daghan kaninyo ang nakaila; ang misulat sa akong libro, *A Prophet Visits Africa*.

324 Ug kadto'ng kabus nga inahang Norwegian, nagasiyagit, sa kinatas-an sa iyang tingog, miingon, “Igsoong Branham, didto ako nagatindog sa dihang kadto'ng masuso nabuhi!” Miingon, “Nagatoo kami nga ikaw usa ka alagad sa . . . ni Cristo.” Miingon, “Pag-anhi, ipandong ang imong mga kamot sa akong masuso, ug kini mabuhi.” Bag-ohay lang namatay pipila ka minuto o duha, sa pulmonya; nagsakit sa mga upat ka oras, lima.

325 Ug ang mga kalalaken-an atua na didto, nagasiyagit ug nagasinggit, ug nagpangluksolukso, nga nagaingon, “Banhawon kini sa Dios! Banhawon kini sa Dios!” Ug miingon . . .

326 Tungod niana, ang American Air- . . . o, dili ang American Airlines. Ang United States Army mao'y mopasakay kanako diha sa usa ka eroplano paadto didto, ug pabalik, sulod sa usa ka adlaw. Kita n'yo?

327 Ug ako miingon, “Sa dili pa ako moanha, tugoti ko sa paghibalo sa kabubut-on sa Ginoo.” Busa ako nag-ampo, sa duha ka adlaw. Ug kadto'ng doktor maayo kaayo nga nagtugot sa mao'ng masuso nga mapahiluna sa' didto'ng dapita.

328 Dayon, usa ka buntag, ako mibangon ug misugod paglakaw paingon sa kusina. Ako mitan-aw; nagatindog didto, sa unahan, usa ka Kahayag sama ang kadak-on nianang kahayag dinha, nga nagatuyok, miingon, “Ayaw’g tandoga kana. Ayaw’g badlonga kana. Kana mao’y kamot sa Ginoo.”

329 Midagan ako pagbalik ug gitawgan ang maong nasud, ug mitawag ug miingon, “Ako—ako dili makaanha.”

330 Ug kini’ng ministro sa Lutheran miingon, “Ngano’ng dili man ka magpaabot hangtud imong makuha ang klarong desisyon nga gikan sa Dios, sama sa gibuhat ni Igsoong Branham, ug dayon mahibaloan mo kung unsay imong gipanghigotan!”

331 Karon, kini mao kana, mga kaigsoonan, kon dili lang kita molukso dayon diha sa mga konklusyon; ug magpaabot, ug kuhaon ang gamay’ng kahayag, tataw’ng desisyon nga gikan sa Dios.

332 Ug ang tanan niini dinhi, ang pagpang-ayo sa mga makasala nga wala gayud mahibalo sa bisan unsa mahitungod sa Dios. Ako nagatoo nga ang Balaanong pagpang-ayo nagabasi sa usa ka sukaranan, nga ikaw kinahanglan nga moduol ngadto sa Dios, una, ug ihatag ang imong kasingkasing ngadto Kaniya, ug hugasan ang imong kinabuhi diha sa Dugo ni Jesus Cristo, ug niana ang Dios magapamuhat diha kanimo ug magaaayo kanimo. Sama sa giingon niining Igsoon, mahitungod sa gamay’ng babaye nga iyang giampoan didto, usa ka balaan diha sa Dios, nakita ninyo.

333 Sa akong kinabuhi, nakahimo ako’g daghang mga kasaypanan. Nahimo ko ang daghang mga butang nga sayup. Ako tingali, kung lugwayan pag taastaas ang akong kinabuhi, makabuhat pa akog daghan. Tingali ang pipila kanila mamahimong makapandol diha sa inyong dalanon. Ako nagalaum nga inyo akong pasayloon.

334 Ako nagabasa kanhi mahitungod kang Abraham, kung unsang mga kalibog ang aduna kaniya kaniadto. Kon giunsa niya, sus, ang mga butang nga iyang nahimo; iyang naduhaduhaan ang Dios; ug siya nakapamakak bahin sa iyang asawa; ug tanan na. Apan sa diha ang Balaanong pagsaysay mahitungod kaniya nahisulat diha sa Mga Taga-Roma 4, wala gayud gihisgotan kini ang iyang mga kasaypanan, apan giingon, “Si Abraham wala gayud nagduhaduha” diha sa pagkadilimatnuohon . . . pinaagi sa Dios, “apan mao’y lig-on.” Ang tanan nga mahitungod sa iyang mga sayup gihikalimtan na, sa diha nga ang Balaanong pagsaysay sa iyang kinabuhi gisulat. Ang iyang mga kalibog wala na gani mahisgoti pa. Ang iyang mga sayup wala na mahisgoti.

335 Ug, mga kaigsoonan, malaumon ako, nga sa dihang pagabasahon na ang akong kasaysayan nianang Adlaw, nga

Iyang pagapanason ang sa ako, usab, ug dili na maghunahuna pa bahin kanila nianang higayona. Ako nagalaum nga mao pud kamo, usab. Ang Dios magapanalangin kaninyo.

<sup>336</sup> [Si Igsoong Tommy Hicks nagapamahayag, unya nagaampo. Ang kongregasyon nagadayeg sa Ginoo, unya nagapanganta sa *I Love Him*. Ang mga igsoong lalaki nagginaksanay sa usa'g-usa, ug ang mga igsoong babaye nagginaksanay pod sa usa'g-usa. Human sa walo ka minuto, si Igsoong Branham mibalik sa mikropono—Ed.]

<sup>337</sup> Kung ako lang makita kini nga nagakahitabo sa tibuok kalibutan, ako moingon, “Ginoo, itugot nga ang Imong alagad mobiya na nga malinawon!”



*ANG PAGKA-DIOS GIPASABUT* CEB61-0425B  
(The Godhead Explained)

Kining Mensahe ni Igsoong William Marrion Branham, una giwali sa Ingles niadtong Martes sa buntag, Abril 25, 1961, sa Holiday Inn sa Chicago, Illinois, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2009 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)